

# *Go KWA, Go LEMOGA, Go DIRA*

## *KA LENTŠU LA MODIMO*

 Bjale, ditheipi tše, tšeо e lego tša kopano ye mosong wo, ga se ya rekišwa, e no ba bakeng sa Kereke goba bakeng sa yo mongwe, gobane e ka go Thuto. Gomme ka dikopanong ntle kua, e hlola kgakanego, ka baka la gore ga go le ba babedi ba rena ba bonago ka phethagala go swana, eupša re swanetše go ba pelo go pelo, go le bjalo. Eupša yona, rena ka tabarenekeleng mo, ditheipi tše ke tšona, le hlokomela go . . . Ke tša feela bagwera, le go ya pele.

<sup>2</sup> Bjale a re inamišeng dihlogo tša rena feela sebakanyana go thapelo. Ke ba bakae ba ka ratago go gopolwa ge le sa ne dihlogo tša lena di inamišitšwe? Feel a ka go phagamiša seatla, o re, “Morena, ke—ke a hloka lehono, gomme ke hloka mogau wa Gago,” e ka ba eng e lego bakeng sa yona.

<sup>3</sup> Tate wa rena wa Legodimong, bjale re batamela Terone ya Gago ya kgaogelo, gobane re kgopetšwe go dira se. Gomme go boditšwe rena ke Morwa wa Gago, le Mophološi wa rena, gore ge re ka Go kgopela e ka ba eng Leineng la Gagwe, se tla fiwa. Kagona, Morena, go tsebeng gore re phela ka meriting ya go Tla ga Gagwe, gomme bjale re eme ka meriting ya kgaogelo ya Gagwe, gona re tla kgopela, Morena, gore O tla kgetha, ka Moya wo Mokgethwa, dilo tšeо re swanetšeego go di kgopelela. Gomme re ikwela mosong wo, gore e ka se be kgahlanong le Lentšu la Gago goba go toko ye kgolo ya Gago, le kgaogelo le mogau wa Gago, gore ge re ka kgopela gore re tla ba le ketelo ya go ikgetha lehono go tšwa go Moya wo Mokgethwa. Gore A ke a tle magareng ga rena gomme o tla hlatha dikgopolo tša dipelo tša rena, go re utollela mafelo a rena a go fokola, le go fodiša malwetši a rena, le go tlema dipelo tše di robegilego, le go phološa balahlegi, le go dira komana batho bakeng sa go Tla ga Gagwe. Morena, ekwa thapelo ye.

<sup>4</sup> Bjale re ya go bala Lentšu la Gago. Gomme—gomme re a rapela, Morena, gore ka go thuto ya rena ya sekolo sa Lamorena mosong wo, gore O tla tliša pele kgwekgwe ya palo gomme o tla Le utolla go dipelo tša rena. Ka gobane, re tla mo bakeng sa morero o tee. Morero woo, o nnoši, ke go Go tseba bokaone. Rena ba re lego Bakriste, ka Tumelo, re nyaka go Go tseba bokaone. Bao ba sego ba be ba tla go ba Bakriste, ba nyaka go Go tseba bjalo ka Mophološi wa bona. Bao ba babjago, ba nyaka go Go tseba bjalo ka Mofodiši wa bona. Gomme re a rapela gore go se be le o tee a tlogago moagong wo, a se ne selo, eupša gore

kgopelo ye nngwe le ye nngwe e ke e phethagatšwe go letere, gomme tlhologelo ye nngwe le ye nngwe e kgotsofatšwe, gomme motho yo mongwe le yo mongwe—yo mongwe le yo mongwe a thabe, le go ya go tloga moagong, a re, boka bale ba tšwago Emause, “A dipelo tša rena ga se tša swa ka gare ga rena, ge A be a bolela le rena mmogo tseleng?” Ka gore re kgopela se ka Leina la Jesu. Amene.

<sup>5</sup> Bjale go lena ba le nyakago go phetla ka Pukung ya lena. Ka mehla, ke hweditše, gore ka go ditirelo tša boebangedi, gore feels e ka ba metsotso ye masomepedi goba masometharo e dira tsenelelo ye kaonekaone bakeng sa molaetša wa semoya wa go fošetšwa, gomme morago pitšo ya aletara. Eupša se go beng sekolo sa Lamorena, ke no se nyake go e dira ka tsela yeo mosong wo. Ke ikwela kudu go hlahlwa go tšea nako ya ka le go bolela ka Lentšu.

<sup>6</sup> Bjale, ge e ka ba mang a sa iketla, a tonya kudu, selo se nnoši o swanetšego go se dira ke... Ngwaneshu wa ka, mohlokomedu, o morago ga kereke fale, e no emišetša seatla sa gago godimo ka mokgwa woo morago kua, go yena, gomme o tla laola phišo. Gomme re nyaka le iketle le go ikwela gabotse ka kgonthe. Gomme theetšang Lentšu, ka gore re tshepa Moya wo Mokgethwa go re ruta Lentšu la Modimo. Gomme a lena bohole le kgona go kwa gabotse, ka morago? Ge le kgona, phagamišang diatla tša lena, ge le—le kgona go kwa gabotse. Seo se lokile.

<sup>7</sup> Bjale ke nyaka le phetla le nna, ke na le ditemana di ngwadilwe ntle mo, le Lengwalo tsoko. Kafao ke nyaka le phetle le nna, pele, go Puku ya Baroma, Baroma, tema ya 9. Gomme re nyaka go bala bakeng sa thuto ya Lengwalo, pele, ka go Baroma 9:11.

*(Ka gore bana ba seso ba tswalwa, ebile ba se ba dira botse goba bobe bjo bo itšego, gore morero wa Modimo go ya ka kgetho o ke oeme, e sego ka mediro, eupša ka yena yoo a bitšago;)*

*Go boletswe go yena, Mogolo o tla hlankela yo monnyane.*

*Bjalo ka ge go ngwadilwe, ke ratile Jakobo, gomme ke hloile Esau.*

<sup>8</sup> A nke Modimo a oketše ditšhegofatšo tša Gagwe go palo ye ya Lengwalo. Gomme bjale bakeng sa sehlogo, go thekga thuto ya ka, ke nyaka go tšea ye bakeng sa sehlogo: *Go kwa, Go Lemoga, Go Dira Ka Lentšu La Modimo.* A nke ke bušeletše yeo gape. “Go kwa, le go lemoga, gomme morago go dira ka Lentšu la Modimo.”

<sup>9</sup> Bjale, re tlwaelane ka bottlalo, rena batho ba re puruputšago Mangwalo mosegare le bošego, le go bala dipampiri tša rena le go kwa ditshwaotshwao, gore lefase le bjale le eme ka go swareng ga maatla a mabedi a magolo a semoya. Gomme bobedi ke maatla a

bodumedi. Gomme ke dumela gore maatla a magolo a ka pela a tla hlogong. Gomme bobedi maatla a magolo a be a emetšwe ka go barwa ba babedi ba Isaka. Ka fao gore Modimo, ka go bohlale bja Gagwe bja go hlokamagomo, o bontšhitšepele dilo tšohle go rena; gore rena ka dilo tše re tsebe, ka kgonthé, se se robetšego pele ga rena. Go e dirile pepeneneng kudu, gore Modimo le Lentšu la Gagwe, le tlhago le legohle la Gagwe, di beakantšwe ka go phethagala mmogo, gore ebile mo—mo modiradibe a kgone go bona se sengwe se lokelago go direga. Modimo o e beakantše bjalo. Ga go yo a hlokago boitshwareletšo.

<sup>10</sup> Bjale, re bona ka go barwa ba babedi bale gore ge bona, pele ebile ba tswalwa, ba be ba elwa seng sa bona. Le ge mmago bona kgarebe . . . Ka gore, o be a le kgarebe, Rebeka yo mobotse yoo a nyetšego peu ya go loka ya tshepišo ya Modimo, Isaka; gore ba be ba le ba babedi ba go ikgafa, badumedi ba go tlala ka Moya go Modimo, ba beetšwepele go lona lenyalo leo ba kopanego mmogo ka lona. Modimo o e tsebilepele. Gomme selo se sebjalo se ka kgona bjang go tla ka mme yo motee yola, ka tate yo motee? Yo motee, motho yo mobe kudu; le yo mongwe, motho wa go loka kudu; le ka fao gore motho wa go loka o bonagetše go ba yo mobe, gomme yo mobe o bonagetše go ba wa go loka.

<sup>11</sup> Bjale seo ke, ka mehla go bile, ka mehla e tla ba lenaneo la Modimo. Modimo a ka se kgone go fetola tshepedišo ya Gagwe. Ka gore, O dira lenaneo la Gagwe go phethagala, ka baka la gore ke karolo ya Gagwe.

<sup>12</sup> Ka serapeng sa Edene, sebe se be se le botse kudu go fihla se gogile Efa go tloga go toko, go ya sebeng. Gomme ka serapeng sa go swana moo go bego go le mohlare wa Bophelo, gape go be go le mohlare wa lehu.

<sup>13</sup> Re tla e tseba lehono bjalo ka molao wa phapano. Gore, moo go lego botse, go ne bobe; moo go nago le nnete, go ne phošo. Gomme re ka se tsoge, ga go kgathale se tikologo ya rena e tla bago, go tsoge ra kgona go itlhohlora renabeng go bogona bja e ka ba efe. Ka gore, Paulo o rile, “Ge ke rata go dira botse, gona bobo bo gona.” Modiradibe a ka se tsoge a kgona go hlohlora go tloga go Mokriste, Mokriste go tšwa go modiradibe. Fao go tla ba hlatse fao ya go nepagala, le bopaki bja phošo, ka mehla. Gomme o dira kgetho ya gago. O swanetše go tšea lehlakore le tee goba le lengwe.

<sup>14</sup> Eupša ka go barwa ba babedi ba, ga se gwa tlwaelega go tseba gore, pele ba tswalwa, bobedi peu ya go swana, go tšwa go Isaka, e bego e le tshepišo. Bjale, thuto ya rena ke ye telele gannyane, gomme ke nyaka go hwetša bokamorago bja go lekanelo go fihla le kgona go bona tlwa se ke boleLAGO ka sona. Gomme morwa wa pele, Esau, yo a belegwego; re hwetša gore e sego feela gore ba be ba ngangana le go lwa ka popelong ya mmago bona, eupša ba tšwile go yena, ba elwa, Esau o tla pele,

gomme Jakobo a swareletše godimo ga serethe sa gagwe. Gomme ba sa lwa.

<sup>15</sup> Gomme ka fao gore, ka fao e ka kgonegago go tšwa go yola wa go phethagala, wa go sekega, a kgethilwego, yo mokgethwa, tate goba mme wa go ikgafa! Kafao go e thekga, gore, Modimo o bitša ka kgetho. E swanetše go ba. Ga go kgathale mme le tate wa gago ba be ba lokile gakaakang, ba be ba le bose gakaakang, tate le mma wa gago ba be ba le Bakriste gakaakang, go le bjalo e letše go wena bjalo ka motho ka motho, boemo bja gago pele ga Modimo. Thuto ye e ruta seo, gore bona, bobedi bana, ebile ba bile ka go kgethwa le go bitšwa ke Modimo, tate le mme, mosadi wa kgarebe le monna yo mokgethwa, yo mafelelong a tlidego tlase go ba ebile ka peu ya gagwe go tlide Jesu Kriste. O belegwe bjalo ka yo a tšwago bahung. O ile a lekwa, tatagwe pele ga gagwe. Gomme o be a tshepišitše, ka peu ye ya Isaka, gore lefase ka moka le tla phološwa. Gomme go tšwa go monna boka yoo, le madi a gagwe a hlwekile kudu gore Modimo ebile ga se a dumelela Mofilisita ebile go kgwatha mme, morago ga ge Abraham a mo file go yena. Modimo o otlide ntlo ya gagwe, gomme o rile, “O no ba gabotse bjalo ka yo mongwe a hwilego,” o swere moela wa madi go seka. Gomme Rebeka yola, wa go loka, yo mokgethwa, morongwa ke Modimo le mme mmitšwa ke Modimo. Gomme go tšwa go peu ye kgethwa yela go tšweletše legwaragwara le modumedi. Le a bona? Kafao e letše ka gare ga pišo ya Modimo, kgetho ya Modimo.

<sup>16</sup> “Gomme pele ga ge yo motee a tswalwa, Modimo o rile, ‘Ke rata Jakobo gomme ke hloile Esau,’ pele ga ge yo mongwe le yo mongwe wa bona a tswalwa.” Kafao re swanetše go ikwela bjang. Yo mongwe a nago le Modimo o bolela le wena le go go memela go tla tafoleng ya Gagwe le go Legae la Gagwe, gomme o be morwa goba morwedi wa Gagwe, ga go selo se segolo kudu bjalo ka seo.

<sup>17</sup> Bašemanе ba babedi ba, ge re ka hlokomela tlhago ya bona, yo mongwe wa bona o be a le monna wa semoya, yoo e be e le Jakobo. Gomme motho wa senama e be e le Esau. Eupša bobedi ba be ba le ba bodumedi. Gomme selo sela sa go swana se diregile gohle tlase go kgabola lebaka, senama le semoya.

<sup>18</sup> Esau o be a emela monna wa lefase, ka tlhago, go sekamela bodumeding, eupša ga se a tsoge a kgona. E be e se ka go yena go e dira. O be a ka se kgone go e dira. Ga se nke a ke a ba ka go yena go kgona go namela go feta dilo tša lefase, selo sa senama.

<sup>19</sup> Eupša, Jakobo, go be go no ba bonolo go yena go e dira. Bjale, Jakobo, morero o tee Jakobo a bilego le wona, gomme woo e be e le gore o be a hlogetše tokelo yela ya tswalo, ga go kgathale o e hweditše bjang, feela gore a e hwetše.

<sup>20</sup> Gomme moya wola wa tswalo e tee yela o sa emelwa ka lefaseng lehono, gomme o tla hlogong bjale: modumedi wa semoya; le motho wa senama, modumedi wa senama. Ga go yo

a kgonnego go re bobedi ba be ba se bodumedi. Ba be ba le. Ga se ba bolela gore yo mongwe o hlanketše “modingwana” gomme yo mongwe “Modimo.” Bobedi e be e le bahlanka ba Modimo.

<sup>21</sup> Bjale, efang šedi ya kgauswi go Mangwalo bjale go thuto ye, gobane ke ne kgonthe e tla le thuša. Le a bona? Bjale, “E sego yo mongwe le yo mongwe yoo a rego, ‘Morena, Morena’ o tla tsena ka gare, eupša yo motee a dirago thato ya Tate wa Ka yo a lego Legodimong.”

<sup>22</sup> Bjale ge le ka hlokomela, Jakobo o bile le selo se tee seo a se nyakilego, gobane, go ya ka Lentšu, ditšhegofatšo le se—se selo se sebotse se beilwe ka go tokelo ya tswalo. Gomme, Jakobo, ao e be e le maikemišetšo a gagwe a nnoši, selo se nnoši a bilego naso ka monaganong e be e le “go hwetša tokelo yela ya tswalo.” Gomme Esau o e nyaditše. Yo motee yoo gabotse a bilego le yona, o e nyaditše, goba o be a ne dihlong ka yona. Eupša Jakobo o e nyakile go sa kgathale ka fao a e hweditšego, o e nyakile.

<sup>23</sup> Yeo ke tsela ka modumedi wa semoya lehono. Ga a kgathale o mo sega kudu gakaakang, o dira metlae kudu gakaakang, o swanetše go dira go se hlamatsege gakaakang go monagano wa senama. Maikemišetšo a gagwe a nnoši ke tokelo ya tswalo. O nyaka go fihla go Modimo, ka gobane e tswetšwe ka go yena. A ka se kgone go e thuša.

<sup>24</sup> Jakobo go ra “moradia” goba “mofori.” Eupša ka morago ga go hwetša le go tla go bong bja tokelo ya tswalo, o be a fetogile. Yeo ke ya senama, phetogo. Nako yeo o be a bitšwa, Jakobo, “kgošana le Morena,” yo a katanego le Yena.

<sup>25</sup> Modumedi wa senama lehono, “Oo, ge feela ke eya kerekeng le go dira se se lokilego, e dira phapano efe?” Seo ke sehlopha sa Esau. O sa dira metlae le go hloya tokelo ya tswalo, ga A tshwenyege bakeng sa yona. Eupša Jakobo o e ratile.

<sup>26</sup> Gomme monna wa semoya lehono, le mosadi wa semoya, bao ba kgethilwego, bakgethelwapele ke Modimo go tla go Bophelo bjo Bosafelego, ge eba ba swanetše go rekiša se sengwe le se sengwe ba nago le sona, ge eba ba swanetše go tloša leina la bona go tšwa pukung ye nngwe le ye nngwe ya kereke ka setšhabeng, ba sa nyaka tokelo yela ya tswalo. Ke selo se nnoši seo se ba tshwenyago, “nno hwetša tokelo yela ya tswalo,” yeo ke phetho. Ga go kgathale bjang, ke boemo bofe ba swanetše go tla go bjona, ge eba ba swanetše go ya tlase mo aletareng le go lla, phašakaphašaka, ge eba ba swanetše go kitima go kgabola ma—ma—ma mafelo le go ya morago le go dira dilo gabotse, le go rekiša se ba se swerego, goba—goba go neelana ka se sengwe le se sengwe ba nago naso le go ba moeti le mosetsebjie, ga go tshwenye. Ba nyaka tokelo ya tswalo. Seo ke sohle ba nago le kgahlego ka go sona, tokelo ya tswalo. Bjale, le se ke la bea batho molato. Ba ka se kgone go e thuša. Ba kgethetšwepele go seo, ba kgethetšwe pele go yona.

<sup>27</sup> Gomme ka gona re bona gore ba babedi ba, batho ba senama le semoya, ke tsela yeo e diregilego ka mehla. Ke ka tsela ye go lego lehono. Ka mehla go bile ka tsela yeo.

<sup>28</sup> Kaine le Abele. Ka serapeng sa Edene, ge Edene e hlotšwe, go be go na le mehlare ye mebedi go motho go tšea kgetho ya gagwe. O motee, o bile wa bohlale; o mongwe, o bile Bophelo. Go be go le bašemane ba babedi, Kaine le Abele, bobedi bja bona ke ba bodumedi. Yo motee wa bona o be a hlologetše Bophelo bjo Bosafelego, gomme o ile a neela go Modimo, ka tumelo, sehlabelo se sekaone kudu go feta sa Kaine. Sekai sa go phethagala sa dikereke lehono: kereke ya tlhago, kereke ya semoya. Gomme ga go pelaelo eupša se ke bolelago le dihlopha bobedi gonabjale, gomme mohlomongwe ka theipi re tla bolela le masome a dikete tša bona.

<sup>29</sup> Eupša, lebelelang, kereke tlhagong, e no ba kereke ya senama. Ga ba tsoge ba kgona go fihla ka godimo ga selo se sennyane selo sa “Ke tšoenne kereke. Ge nka ya kerekeng, ge nka dira bokaone bjo ke kgonago, seo ke sohle Modimo a se nyakago.” Bjale, seo ke selo sa go swana Kaine a se dirilego. O ile gomme a dirilego. O dirile sehlabelo, a tliša dikenya tša naga. Gomme o rile, “Sese sona, Modimo. Bjoo ke bokaone bjo ke nago nabjo. Se tsee goba o se tlogele.” Yeo ke tsela ye modumedi wa senama a dumelago lehono. “Morena, ke tla ya kerekeng. Ke tla tšoena sehllopha se sekaonekaone nka kgonago go se hwetša. Ke tla lefa ditshwanelo tša ka go kereke. Ke tla dira se se lokilego. Bjale, šebo bokaonekaone bjo nka kgonago go bo dira. Ke tla thuša go reka malahle bakeng sa mohlollogadi. Goba, ke tla fa bana diaparo tsoko.” Tšona di lokile, ga go selo go bolela kgahlanong le yona. “Eupša yeo ke yona, yeo ke phetho. Ge O e nyaka, e tsee; ge O sa dire, ga se O swanele go e tše.” Bjale, woo ke mokgwatebelelo wa kereke ya senama lehono.

<sup>30</sup> Eupša kereke semoyeng! Abele, ka kutollo, ka mogau, o bone bokagodimo ga seo, gomme ka tumelo o neetše go Modimo sehlabelo se sekaone kudu go feta sa Kaine. Gomme se pakile ka toko ya gagwe, Modimo.

<sup>31</sup> Selo sa go swana se diregile ka go Ishmaele le Isaka. O tee o be a le wa nama, gomme yo mongwe o be a le wa Moya. Yo motee, wa mosadi wa lekgoba; yo motee, wa mosadi molokologi.

<sup>32</sup> E diregile selo sa go swana ka go Israele le Moaba, dikereke tše pedi tše kgolo di etla mmogo. Gomme ge Israele e be e nyaka go ya lefelong la bona le le tshepišitšwego, kereke semoyeng, batho ba Jakobo, Israele tseleng; batho ba Esau ba kopane le bona, Moaba, kereke ye maatla. Gomme moetapele yo mogolo wa kereke, Bileama, o tlile tlase go rogaka ngwanabo, eupša o hweditše gore a ka se kgone go rogaka ngwanabo. O šitilwe, ka bofofu bja mahlo a gagwe, go bona peakanyo ye e kgethetšwegopele, yela, le go bona Lentšu la Modimo.

<sup>33</sup> Sa pele, “Tumelo e tla ka go kwa, go kwa Lentšu la Modimo.” Ka gona modumedi o a Le kwa, o a Le lemoga, gomme o dira ka Lona. Motho wa senama o tla Le kwa, modumo wa Lona, eupša a se tsoge... Go kwa go ra “go kwešiša” Lona. Lebelela, ke go lebelela se sengwe; eupša go se bona, ke go “kwešiša” sona. “Ntle le ge motho a tswalwa gape, ga a kgone go bona goba go kwešiša Mmušo wa Modimo.”

<sup>34</sup> Bjale, mo go tla Israele, e etla godimo le tshepišo ya Modimo, gore ba be ba lebile nageng ya tshepišo. E sego baganamodimo, eupša badumedi, badumedi ka go Modimo wa go swana yoo Israele e bilego le yena, ba tla ntle go leka go rogaka ngwanabo, gobane o rile ngwanabo o, ka kgontho o be a le mohlokatoko gobane o dirile dilo tše dintši tše di befilego. Eupša, le a bona, o šitilwe go bona kgetho.

<sup>35</sup> Selo sa go swana ka Esau le Jakobo! Esau o bonagetše boka monna yo mokaone. O dutše fase gomme a dira dilo tša thušo. O—o hlokometše papagwe wa sefolu wa motšofe, o mo tlišeditše nama ya phoofolo ya lešoka le go mo hlokomela, gomme o be a le mošemane wa go loka. Dilo tše dintši tše di badumedi ba senama ba di dirago mo mothalong wa bodumedi, disosaete tša go thuša, le—le go lefa dikoloto tša bookelo bakeng sa batho, le dilo tša bodumedi, eupša seo ga se se ke bolelago ka sona.

<sup>36</sup> Moaba o be a lokile, setšhaba se segolo, ngwanabo go yena. Gomme Jakobo o be a dirile se sengwe le se sengwe, o be a le legwaragwara; eupša go le bjalo o be a na le selo se tee go se fihlelela, seo e bego e le go hwetša tshepišo yeo, tokelo yela ya tswalo. Mo go tla Israele, bana ba Jakobo, ka maikemišetšo a go swana. Bjale ke mang yo a yago go loka?

<sup>37</sup> Bileama o agile dialetara tše šupago; ka Israele go be go le dialetara tše šupago. Bileama o neetše dihlabelo tše šupago tša diphoofolo tša go hlweka; Israele o neetše dihlabelo tše šupago tša dibata tša go hlweka. Fao, bokgole bjo ba e tšeago ka go ikgetha, Moaba o be a no ba wa bodumedi bjalo ka ge Israele e bile, Esau feela wa bodumedi boka Jakobo a bile, gomme Kaine feela wa bodumedi bjalo ka ge Abele a bile. Eupša, ke kgetho ke ye e swerego.

<sup>38</sup> Go foufala gakaakang! Go foufala gakaakang ga bana ba Esau, go bolela semoyeng, Bamoaba, ba lebeletše tlase godimo ga Israele gomme ba rile, “Ba lebeleleng Ga se bona kerekela. Ke bona sehlopha sa magwaragwara. Ba phela ka ditenteng. Gomme re setšhaba se segolo. Ba dirile bobe. Gomme ga ba na mokgatlo magareng ga bona. Ba no ba ba nyokanyoka go dikologa, ba latela moprofeta.” Eupša o šitilwe go bona Sephente ya Mphiri le Leswika le le iteilwego le eya pele ga bona. O šitilwe go bona sehlopha sela sa babiletšwantle, sehlopha se se kgethilwego se latela lenaneo Kgethwa la Modimo go ya nageng ya tshepišo.

<sup>39</sup> Ke ka tsela ye go lego lehono. Ba re, “Ke sehlopha sa bapshikologibakgethwa. Ke sehlopha sa batho bao e lego *se, seo*, goba *se sengwe*.” Eupša ba šitwa go bona gore se latela tlhahlo ya Lentšu la Modimo.

<sup>40</sup> Israele e be e le tseleng ya gagwe go ya nageng ya tshepišo. Modimo, ka go Lentšu la Gagwe, o dirile tshepišo.

<sup>41</sup> Jakobo, lebaka leo a kgethilego go hwetša tokelo yela ya tswalo, go sa kgathale, o be a nyaka go e hwetša, ka gobane o tsebile gore tokelo yela ya tswalo e swere ditšhegofatšo. E swere bophelo. Ga se a kgathale e tla bjang, feela gore o e hreditše. Seo e be e le kgwekgwe. Se tla ka sefofane sefē, ga se go tshwenye. O e nyakile. Gomme o swanetše go ba le yona. Gomme o e hreditše. “Ba lehlogenolo ke bao ba swerwego ke tlala le go nyorelwa toko, ba tla tlatšwa.” O be a le tseleng ya gagwe, gomme o be a le morago ga yona, gomme o e amogetše.

<sup>42</sup> Israele e be e le tseleng ya gagwe go ya nageng ya tshepišo. Ga go kgathale ke ba bakae Bamoaba le dithogako ba lekilego go ba apeša, ba ile thwi go naga ya tshepišo.

<sup>43</sup> Gomme lehono o ka se tsoge...ga go kgathale ba hwetša molao wo montši gakaakang, tshekišo ye ntši gakaakang, tlhomaro e ntši gakaakang, ke dilo tše dintsi tše mpe gakaakang ba di bolelago, ke makga a makae ba bitšago “mopshikologimokgethwa,” ke makga a mantši gakaakang ba bolelago dilo tšela tše mpe, kereke e tla sepelela pele. E swanetše go dira. E dula ka go Lentšu la Modimo.

<sup>44</sup> Nako ye nngwe dikgoši tše pedi di tlide mmogo. Yo motee wa bona e be e le Ahaba, yo motee yo mobe, yo mongwe e be e le Josefate; kereke ya semoya, kereke ya senama.

<sup>45</sup> Ahaba e be e le modumedi wa mollwaneng. O be a na le baporofeta. E be e se baganamodimo. Ba be ba se badirelamedingwana. Ba be ba le baprofeta ba Israele, eupša bohole ba rutilwe gomme ba fepša le go apešwa ke Ahaba kgoši. E bile bjalo ka lefelo moo ba bilego le go thekgwa gohle ga sepolitiki.

<sup>46</sup> Josefate o tlide ka gare, a etla tlase, a dira segwera, se e lego phošo.

<sup>47</sup> Ga wa swanela go tsoge wa kgokagana le basedumele. Ga ra swanela go tsoge, le ka mokgwa ofe, re kilego ra bea maina a rena dipukung ka dikerekeng tše di sa dumelogo Ebangedi ya go tlala. Le gatee! O tla tsena bothateng.

<sup>48</sup> Gomme ba tsene bothateng. Gomme monna yo wa go loka o rile, “A re ka se botšiše Morena pele, le go hwetša ge eba re swanetše go ya Ramothe-Gileada?”

<sup>49</sup> Bjale lebelelang ka fao peakanyo e bogegilego go phethagala. “Re beng ba Ramothe-Gileada. Ke thoto ya rena, gomme Basiria ba e tšere go tšwa go Modimo yo a phelago. A re ka se ye godimo

le go thopa naga ye?” Gomme o dirile polelo ye botse kudu, le go ba molaong kudu, le go loka bjalo, go fihla Josefate a e wela.

<sup>50</sup> Gomme, lehono, banna ba kgona go ema phuluphithing ka bohlale bjo bobjalo le go dira polelo, le thuto, go fihla ba kgona go hlaloša Maatla a Moya wo Mokgethwa go tloga go Beibebe. Ba ka kgona go hlaloša phodišo Kgethwa go tloga. Ba ka kgona go hlaloša go bolela ka maleme le tlhathollo, ba ka kgona go hlaloša kolobetšo ya Moya wo Mokgethwa, go letšatši le lengwe.

<sup>51</sup> Eupša monna yo a kgethilwego ke Modimo, motho... “Dinku tša Ka di tseba Segalontšu sa Ka.” O na le kgetho yela ya Modimo godimo ga gago, e ka se tsoge ya go thetša.

<sup>52</sup> Josefate o rile, kgoši ya go loka o rile, “A ga go na moprefeta, gore re kgone go botšisa Morena?” Ahaba o be a eya pele ntle le yona.

<sup>53</sup> Ke ka tsela yeo kereke ya senama e dirago lehono. Oo, ba na le disseminari di tletše bareri, banna ba bagolo, diprofesa tše kgolo, bohlale, ditswerere, go tsaroga phoka, oo, nna, kgole ka godimo ga ma—ma matlakala a kereke ya setlo- . . . goba kereke semoya.

<sup>54</sup> Ka matšatšing a Noage, ka go wona matšatši, lebelelang kereke tlhagong. E be e le eng? Borasaense, baagi, banna ba ditswerere. Eupša bakgethiwa, Henoge le Noage, e be e le badiši le balemi, ba go kokobela, e sego dirutegi, e sego ditswerere, eupša ba tsebile Modimo wa bona; se sengwe ka go bona, se sepela, se bitša. Re tla fihla go seo morago ga nthatana.

Bjale, kafao Josefate o rile, “A ga go moprefeta?”

<sup>55</sup> Oo, nnete, ya senama e nabo. “Ka nnete, re nabo. Ke ne seminari tlase fa, e tletše ka bona.”

<sup>56</sup> Ba tlišitše godimo makgolo a mane. Bjale, ba ga se basedumelemodimo. Ke barapedi ba Jehofa Modimo. Ba tla godimo, gomme ba rile, “A re beng le nakwana ye nnyane gomme re tla profeta.” Gomme kafao bohole ba tlide mmogo. Gomme ba tla morago le, “Lentšu la Morena,” gomme ba rile, “O RIALO MORENA.” Baprofeta ba Baisraele. “O RIALO MORENA. Eyang pele godimo, Morena o ne lena. Gomme le tla tsea Ramothe-Gileada, ka gore ka kgontha ke ya Israele.” Gomme yo mongwe wa banna ba bagolo o itiretše dinaka tše pedi tše kgolo tša tshipi, bjalo ka moemedi, gomme o ile a kgoromeletsa. O rile, “Ka se le tla šušula Israele . . . goba go kgoromeletsa Basiria thwi go tšwa Ramothe-Gileada.”

Eupša, Josefate, se sengwe ka go yena!

<sup>57</sup> Oo, ke a holofela gore Modimo o tliša se pelong ya gago. Ga se selo o ka kgonago go ithuta wenamong go sona. Ga se selo o ka kgonago go bala wenamong ka go sona. Ke seo Modimo, ka kgetho, a go direlago. “Ga se yena yoo a kitimago goba yena yoo a bontšha- . . . Ke Modimo yoo a bontšhago kgaogelo.”

<sup>58</sup> Josefate o rile, “Ke banna ba go apara bokaone.” Ga go pelaelo o boletše se sengwe boka se, “Ba hlalefile, gomme banna ba ditswerere nkilego ka ba kwa. Ba rutegile go fihla go nakwana. Boemo bja bona ke mmtero o tee. Ba ne kopano ye kgolo magareng ga bona. Gomme ke ditswerere, gomme ba ne Therešo ye ntši go bona.”

<sup>59</sup> Phošo yohle e ne Therešo. Maaka a magologolo kudu a kilego a bolelwa a bile le masomesenyane- . . . [Lefelo la go se be le selo godimo ga theipi—Mor.] phesente ya Therešo ka go yona, maaka ao Sathane a a buditšego Efa.

<sup>60</sup> “Oo, ke Therešo ye ntši ka go se ba se bolelago, eupša a ga go sa na le yo motee gape?”

<sup>61</sup> Gabotse, o nagana gore monna yola o boletše eng? “Ge re na le makgolonne mo, ba ditswerere kudu, ba bakaonekaone? Ga ba ntle fa ka lešokeng ba kitima go dikologa seripa sa go ponoka, le letlalo la nku le tatilwe go ba raretša, goba se sengwe. Ke banna bao ke ba fepilego, ke ba rutile. Ga se bona banna bao ba sa tsebego diABC tša bona. Ke dirutegi, gomme ba tseba selo. Ba a dula, mosegare le bošego, ba bala diskorolo le seprofeto. Ba tseba se e lego nnete. Ke ne bona komana. Gomme ba eme fa ka mmtero o tee, makgolo a mane a bona, ba re, ‘Eyang pele godimo, Morena o ne lena.’”

<sup>62</sup> Eupša ge nka kgona go bala monagano wa Josafate metsots e se mekae, “Go no ba se sengwe seo se sa ngwalego,” o tla bolela. “Go no ba se sengwe seo se sa bonalego gabotse. A ga go sa na yo motee gape, felotsoko?”

<sup>63</sup> “Oo,” o rile, “ee, go na le yo mongwe gape, eupša ga se wa mokgatlo. Ke mohuta wa go fapanwa wa moisa. O no ba legwaragwara.” O bjalo ka Jakobo. “Eupša re ka mmotšiša. Ba re ke moprofeta. Eupša ke a e belaela, gobane ka mehla o a nthogaka, go bolela gore *se, sela*, goba *se sengwe*, goba ga a ke a profeta botse ka nna.” O kgonne bjang? Le a bona?

<sup>64</sup> Kafao ba rile, “A re ye go mo tšea. Yena ke morwa wa Jimila.” Kafao ba ile le go mo hwetsa.

<sup>65</sup> Gomme yo mongwe o kopane le yena mo tseleng, o rile, “Bjale, o bolela selo sa go swana ba se bolelago. O swanetše go dumelana le mokgatlo. Ge o sa dire, madimabe go wena!”

<sup>66</sup> O rile, “Ke tla bolela feela se Modimo a se beago ka molomong wa ka go se bolela, gomme ga go selo gape.”

<sup>67</sup> Ka gona morago ga ge a fihlile godimo kua, gomme ba mo file bošego, o rile, “Eya godimo, eupša ke bone Israele e šwalalane bjalo ka dinku di se na modiši.”

Gomme Ahaba o rile, “A ga se ka go botša?”

<sup>68</sup> Bjale, go ne makgolonne kgahlanong le yo motee. Makgolo a mane a katišitšwego, ditswerere, dirutegi, banna ba bohlale kgahlanong le sešilapuleng se setee se sennyane, bjalo ka ge re

tla mmitša, Mika. Monna yo motee, eupša go le bjalo monna yo motee yola o be a na le Lentšu la Morena, leo le dirilego phapano. Yo mongwe le yo mongwe wa bona e be e le maaka, go netefaditše maaka. Gobaneng Mika a bile go fapano bjalo? A o ile a swanelwa ke go ba modiidi, gore a fapano? Aowa. Ke... Seo se dirilego Mika go fapano, o dutše le Lentšu. Lentšu la Modimo ke se a dutšego le sona.

<sup>69</sup> Bjale go tshepišitše gore, mo matšatšing a, “Modimo o tla tšhollela ntle Moya wa Gagwe.” Le tshepišitše ke Daniele, gore, “Batho, ka matšatšing ge letlapa le itia seswantšo ka leotong, batho ba ba tsebago Modimo wa bona ba tla dira tše kgolo.” Seprofeto ka morago ga seprofeto! Gomme diseminari tšohle, lefase, le ka se kgone go e ntšhetša ntle. Modimo o ya go e dira, go le bjalo, gomme batho ba ya go e latela. Le a bona? Ya senama le... Kereke ya tlhago le kereke ya Kagodimogatlhago. Le a bona, Lentšu le dira phapano.

<sup>70</sup> Seo ke se Jakobo a se nagannego, “Gomme ga go kgathale eng, ke a tseba nka se tsoge ka šegofala ntle le ge nka swara tokelo yela ya tswalo. Tokelo yela ya tswalo ke ye ke yago go e swara.”

<sup>71</sup> Gomme, eupša Esau o be a e hloile, le bana ba gagwe ba dira selo sa go swana, efela, go letšatši le. Ba e hloile. Ka mehla e bile.

<sup>72</sup> Neng le neng ge go na le tsošeletšo, ka mehla e tšweletša mafahla. Yeo ke tshwayo ye šoro, eupša ke therešo. Ge go bile le tswalo go tšwa go, go tšwa go Isaka le Rebeka, e tšweleditše mafahla. Ge lefase le hlotšwe, le tšweleditše mafahla, mehlare ye mebedi. Gomme ge Kaine le Abele ba tswetšwe, le tšweleditše tše pedi. Ge Ishmaele le Isaka ba tswalwa, e tšweleditše pedi. Gomme ge Esau le Jakobo ba tswetšwe, e tšweleditše pedi. Yo motee wa bona, wa tlhago (yo motee wa bona, wa lefase); yo mongwe yo motee, wa Kagodimogatlhago. Gomme yo motee o lebeletše tlhago, bohlale; yo mongwe a sepela ka Moya. Ka mehla go bile ka tsela yeo. Ge kereke ya Lutheran e tlile pele... .

<sup>73</sup> A re tšeeng Pentecost, pele. Lebelelang tswalo ya Pentecostal. E tlišitše pele ye kgolo, tsošeletšo ye maatla yeo e swietšego lefase le le tsebjago, Pentecost. Ga se e be botelele ka morago ga Pentecost go fihla ebile le Paulo a boletše, gore, “Go tla ba banna ba tsogago magareng ga bona, ka dilo tsa go fapoga, gomme ba tla retollela batho kgole le Modimo.” Gomme seo e no ba tlwa se ba se dirilego. E tšweletša tše pedi.

<sup>74</sup> Ge kereke ya Lutheran e tswetšwe, Martin Luther o tlišitše pele tsošeletšo ya semoya. Go be go se botelele kudu go fihla mo go etla Esau, thwi ka morago ga gagwe, le go e kgatlofatša fase. Gomme ya tšweletša pedi.

<sup>75</sup> Ka gona morago ga fao, gwa tla Methodist, John Wesley, tsošeletšo ya semoya. Gomme ka morago ga fao, gwa tla mokgatlo, wa o kgatlofatša fase. Gomme wa tšweletša tše pedi.

<sup>76</sup> Gomme ka morago ga fao, gwa tla Pentecost, tsošeletšo. Gomme bjale ba e kgatlofaditše, gomme bjale ba dula fase go mokgatlo. Gomme e tšweletša tše pedi.

<sup>77</sup> Eupša peu yela ya semoya ya Modimo yo a phelago, le ge e swanetše go ba modiiledi, le ge e swanetše go ba moneneri, ka mehla e hlola karogano. Esau ga se a tšeа botelele kudu le Jakobo. Ka pela ge Jakobo a hweditše tokelo ya tswalo (tumišang Modimo), e biditše bakeng sa karogano. Gomme ge motho...ga ke kgathale o wa kereke efe, ge e le senama, gomme badirišane bao o kitimago le bona, batho ba o ralokago dikarata le bona, le disosaete tša gago tša dingwalwa, le go ya pele; ge o hwetša tokelo ya tswalo, gore se sengwe seo se lego tlase ka pelong ya gago seo se swaretšwego Modimo ke tlala, ge o amogela seo, e bitša karogano. “Tšwelang ntle go tloga magareng ga bona, gomme le be ba aragonšwego, go rialo Modimo.” Karogano!

<sup>78</sup> Kereke e dula fase. Le a bona, e ka se kgone go ya pele. Esau e be e le sekai se sebotse kudu sa modumedi wa senama lehono, ga a tsoge a kgona go fenza lefase. Ga a fencye dilo tša lefase. Ba sa rata botagwa bja bona, tansi ya bona, meikapo wa bona wa manekure le, basadi, mo difahlegong tša bona, le—le go kota moriri wa bona le—le go apara diaparo tše dinnyane tša kgale tše kopana; gomme—gomme monna o rata go ya ntle kamoreng ya metšhene, le—le go kgoga disekerete, le go bolela metlae ye mennyanne ya ditšhila; gomme go le bjalo ke ba kereke. Ga se nke ba kgona go fenza dilo tšela. Ebile le Esau ga se a kgone. Eupša go le bjalo, go ba wa bodumedi, o ile a swanelwa ke go dula fase go kgopolu ya bohlale. Seo ke selo sa go swana kereke e se dirago lehono. “Re tla ba mokgatlo. Re tla ipea mmogo renabeng. Re tla dira sekgobothana, sehlophana, goba se sengwe boka seo.”

<sup>79</sup> Gomme ke ka tsela yeo kereke e sepelago lehono, semoya le senama, di sa swana. Ga se ya fetoga, gomme e ka se tsoge ya fetoga.

<sup>80</sup> Bokgethwa bja Modimo. Modimo, ka go ba Modimo, o tšweletša seo, ka Boyena. Ge go ka be go se modiradibe, go ka be go se gwa ke... A ka be a se a tsoge a ba Mophološi. Eupša O be a le Mophološi mo mathomong, kafao go be go se selo se lahlegilego. Gomme ditholanakgopolu tša Gagwe Mong bjalo ka go ba Mophološi, di akanyeditšepele modiradibe, go be go swanetše go ba se sengwe go phološwa. Pele go ka ba e ka ba eng e phološwago, go swanetše go be se sengwe se lahlegilego. Gomme toko ya Gagwe le bokgethwa bja Gagwe! Ge go ka be go se gwa ke gwa ba mo—mo motho wa go babja, nkabe A se a ke a ba mofodiši. Eupša go tloga mathomong, le a mathomo, O be a le pele ga mathomong. O be a le mofodiši. Kafao go be go se selo sa go babja, kafao e akanyeditšepele motho wa go babja, gore A ba fodiše, go Mo dira mofodiši.

<sup>81</sup> Go tšwa go Sekgao se Sekgethwa sela sa go swana mošola seo go tšwago phološo, go tšwa dithogako. Go tšwa go mme le tate wa go swana yoo a akantšego Jakobo, o akanyeditšepele Esau. Le a bona? Ke Modimo. A ka se fetole peakanyo ya Gagwe. Ba swanetše go ya feela go swana. Tlhago yohle e tla kgonana thwi ka go yona. E swanetše. Le hwetša se ke se rago? E šuthišetša thwi ka gare. Fao go swanetše go ba yo mongwe a lahlegilego, go phološwa. Gomme ge go ka be go se gwa ba, Yena, wa Gagwe... Yena a le Mophološi o dirile seo. Botebo bo bitša Botebo.

<sup>82</sup> Boka mošemane yo monnyane yoo ke felago ke bolela ka yena, a eja dirapa go tšwa go diphensele, le maotwana a paesekela, o hlokile salefa. Gomme ge feela go be go ne se sengwe ka fale go duma salefa, go be go swanetše go ba salefa felotsoko, pele, e dirilwe. Go be go swanetše go ba salefa pele a eba le tumo. Gomme yona, salefa, ya mo tšweletše pele, ka gona a ya morago go salefa.

<sup>83</sup> Yeo ke tsela ye Modimo e lego Mophološi. Gomme go ile gwa swanela go ba se sengwe se lahlegile, go Yena go phološa, go Mo dira Mophološi. Seo ke sohle se se dirago, ke go bapala Modimo. Se sengwe le se sengwe, tšohle di ka go Yena; e sego ka go moreri, e sego ka kerekeng, e sego ka go mokgatlo, eupša ka go Modimo, gore kgetho e eme e phethagetše. Le a bona? Ke ka go Yena. Ya. Molutheran...

<sup>84</sup> Gomme gona re bona karogano ye nngwe, yeo e bile Abraham le Loto. Ba be ba le baena. Eupša Loto o be a le wa go nagana senama. Ka mehla o be a le ntłe bakeng sa selo se sengwe se segolo, se sengwe ka magadigadi a mantši godimo ga sona. Go no swana le kgabo, bjalo ka ge ke bolela, ka mehla go fihlelela selo sa go kganya. Moya woo ga se wa tlogela batho, lehono. Ba tla obeletše go... Ba ya toropongkgolo, gomme ba ka se tle mokhukhung wo monnyane ka mokgwa wo. Le a bona? Ba nyaka kereke ye kgolokgolo e lego gona ka toropongkgolo, modiša yo bohlale kudukudu, moo batho ba go apara bokaonekaone ba yago, moo Meyara a yago, toropongkgolo. E sa le moya wola wa Esau. Ka kgonthe ba bile le ditokelo tša tswalo, sa mathomo, ba ipitša bonabeng Kereke, eupša ba e loba gobane ba a E nyatša. O ka se kgone go dira bona batho go ya fase matolong a bona, le go lla le go kgopela go Modimo, le go ya ntłe le go ba le tirelo ya phodišo, le go emela tlaišo ya lefase, go amogela Moya wo Mokgethwa. Gomme ba—ba ka se dire seo. Ba a se nyatša. Ba se bitša “sehlopha sa bapshikologibakgethwa.” Feel a se Beibele e rilego ba tla se dira. Ba a se dira gobane yeo ke tlhago ya bona. Ke tlhago. Boka legokubu le leeba, ditlhago tše pedi. Ba e duma gobane seo ke se ba lego. Ba ka se tsoge (tsoge) ba bona se sengwe, gobane ga se ba tswalwa go bona seo.

<sup>85</sup> Gomme yo mongwe, o be o ka se kgone go mo tloša go yona, gobane ke kgetho ya Modimo. O tswetšwe go ba monna wa semoya goba mosadi wa semoya. Se sengwe ka go yena se a se

bitša. Oo, ke—ke a holofela se se fihla fase lefelong moo re ka kgonago, le kgora go bona seo ke—ke se rago, ka go se tswalela bjale. Bjale Abraham . . .

<sup>86</sup> Elelwang, ge feels ba be ba amana mmogo, kereke tlhagong le kereke semoyeng, ga se nke ba ke ba hwetša tšhegofatšo. Jakobo ga se a tsoge a šegofala go fihlela a ikarogantše yenamong go tloga go Esau. Gomme Abraham ga se a ke a tsoge a šegofala go fihla a ikarogantše yenamong go tloga go Loto.

<sup>87</sup> Loto o bile le dikopano tša gagwe tše nnyane tša thapelo ka kerekeng ya gagwe tlase kua, o rutile barwa ba gagwe le barwedi, le bona. Eupša o phetše bophelo bjo bo bjalo, go fihla, ge a ile go bolela ka bofelo bja nako, ba mo segile.

<sup>88</sup> Selo sa go swana lehono! O bolela ka phodišo Kgethwa le maatla a Modimo, le go ya pele, ba a e sega. Ke moyo wa go swana. Yeo ke meboya ye mebedi ye megolo, ka bodumeding, e ne lefase maswarong; modumedi le mosedumele, modumedi le moitiramodumedi, yo motee a ekiša yo mongwe. Bjale ge Abraham a ikarogantše yenamong . . .

<sup>89</sup> A le etše Jesu hloko? Ka go boleleng ga Gagwe ga go Tla, go Tla la bobedi, O rile, “Bjalo ka ge go bile matšatšing a Noage, ba tla be ba eja, ba enwa, ba nyala, le go fiwa mo lenyalong.” Eupša ge A boletše ka matšatši a Loto, ga se nke A bolela selo ka yona. “Bjalo ka matšatši a Loto,” seo ke sa kutollo.

<sup>90</sup> Šetšang se se diregilego ka matšatšing a Loto. Go be go le Loto tlase kua ka Sodoma, o dutše gabotse, ka bohlale, ba bile, yo mongwe wa banna ba bagolo ba toropokgolo, moahlodi, o dutše ka dikgorong gomme a ahllola batho. Mosadi wa gagwe e be e le wa disosaete tšohle di bego di le gona tša toropokgolo. Gomme barwedi ba gagwe, le bohole ba bona, ba nyetšwe magareng ga batsebalegi, bahlale, dirutegi tša godimo, ditswerere, ba go tsaroga phoka. Gomme Abraham o be a dula ka tenteng ka tlase ga mohlare wa mouuko. Eupša letšatši le lengwe bobedi ba hweditše ketelo.

<sup>91</sup> Gomme go be go le moreri wa bohlale o ile tlase le go rera, le go ba biletša ntle. Lebelelang mo—lebelelang molaetsa, “Tšwelang ntle,” o boletše go Loto.

<sup>92</sup> Gomme o be a ka se tsoge a biditšwe ge nkabe e be e se bakeng sa kgaogelo ya Abraham. O rile, “A nka kgora go hwetša banna ba masometlhano, a O ka e boloka? A nka kgora go hwetša banna ba masometharo? A nka kgora . . . Ge ke hwetša lesome?” Bjoo ke bokgole bjo a bego a tla ya. Gomme ebile ga se A kgone go hwetša lesome magareng ga bona.

<sup>93</sup> Ga go makatše, “Bjalo ka ge go bile matšatšing a Noage.” Elelwang, Noage o be a se sekai sa Kereke; Henoge o bile, yoo a sa yago go kgabola tlaišego, eupša o fetoletswe pele tlaišego e

tsena. Henoge o ile Gae, ga se a ye go kgabola tlaišego. Noage o rwelwe go kgabola.

<sup>94</sup> Bjale, šetšang sekgauswi bjale ge re sepelela godimo ka go se. Šetšang ke mohuta ofe wa leswao leo Abraham le lapa la gagwe ba nago nalo. Ba na le tša Kagodimogatlhago. “Abraham!” O tsebile bjang gore o be a le Abraham? “O kae mosadi wa gago, Sarah?” O tsebile bjang gore o be a nyetšwe, goba o bile le mosadi, Sarah?

“O ka tenteng.”

<sup>95</sup> Bjale, Monna a dutše fale, a eja nama, a enwa maswi, gomme a eja borotho bja mabele. “Kae, mosadi wa gago o kae, Sarah?” O tsebile bjang selo seo? O e tsebile bjang? Naganang ka yona. Le bitša . . . Lena batho ba semoya, anke se se tsene ka go lena. O tsebile seo bjang, ge A dira bjalo ka mosetsebje, lerole diaparong tša Gagwe?

Gomme ge Abraham a rile, “O ka tenteng, ka morago ga Gago.”

<sup>96</sup> Gomme O rile, “Ke ya go . . .” “Nna, Nna,” lešalamong. “Nna,” Monna yo, Modimo o itira ka Boyena go tsebjia nameng. Modimo! Abraham o Mmiditše Elohim. “Nna, Ke ya go le etela. Ke ya go boloka tshepišo ya Ka. Gomme go ya ka nako ya bophelo, Ke ya go le etela, gomme le ya go ba le mošemane yo yoo Ke le boditšego ka yena.” Gomme Abraham, lekgolo; Sarah, masomesenyane.

<sup>97</sup> Gomme Sarah, moragorago ka tenteng; e ka ba tše nne tša ditente tše nnyane, tente ye kgolo e dutše ka morago. Ka morago ga mafegwana, o be a theeditše. O e kwele. Gomme tlase ka pelong ya gagwe o ile a myemyela, a re, “Nna, mokgekolo wa mengwaga ye lekgolo ka bokgale, le morena wa ka,” monna wa gagwe, “morena wa ka, le go tšofala, gomme re nagana gore re tla ba le boipshino mmogo gape, bjalo ka batho ba baswa ba go nyalana? Oo, e ka kgonega bjang go ba?” Gomme o bile mokgwa wa go myemyela.

<sup>98</sup> O bile le mokokotlo wa Gagwe o furäletše tente. O rile, “Gobaneng a segile?” Oo, ngwanešu, ke wena fao!

<sup>99</sup> Lebelelang kereke ya senama e hwetšago Ebangedi e rerwa go bona. Billy Graham wa sebjalebjale le bona tlase fale ba rera Ebangedi, “Etšwang go yona!” Eupša a ba tlide? Aowa. Kudu, kudu, ba sego nene kudu.

<sup>100</sup> Šetšang sehlopha sa Abraham, babiletšwantle. Bjale hlokamelang. Gomme O mo fa leswao le, gomme o Mo dumetše. Gomme O timeletše pele ga gagwe, le go tloga. Oo, ka fao ka mehla e bilego karogano, babiletšwantle!

<sup>101</sup> Bjale, meboya ye mebedi ye. Go hlaganelia le lena, go hlaganelia bjale go fihla lefelong la ka moo ke nyakago le bona. Dihlopha tše pedi tše di amana kgauswi mmogo, gohle go theoga

go kgabola mabaka, ge e sa le go tloga gona mathomong a nako; kereke ya tlhago, kereke ya semoya. Ba bile go kgabola Testamente ya Kgale, ba be ba le go kgabola Testamente ye Mpsha, gomme ba sa le tlase le bjale lehono.

<sup>102</sup> Bjale, e ka ba mengwaga ye dikete tše pedi ya go feta, go tlie hlogong, gomme e lebile godimo ka go banna ba babedi: yo motee wa bona, Jesu Kriste; yo mongwe, Judase Iskariot. Bjale, Jesu o tswalantše go Tla, ga go Tla ga Gagwe la bobedi, gore meboya ye mebedi ye e tla fapano kudu go feta se e bego e le morago fale. Bjale fa ke moo ke nyakago le apare diaparo tša lena—tša lena tša Letago. Meboya ye mebedi ye e ya go fapano. Ka gore, Sathane o tlie gomme a phela ka go monna yo e bego e le leloko la kereke, Judase Iskariot, o phetše ka kerekeng ya senama, gomme o be a le mogwera go kereke nako yohle. Eupša o tlie ka gare le—le go forwa, goba a nagana o be a fora ngwanabo. O tlie ka gare gomme go a itira go ba yo mongwe wa bona; a latswa dilo tše botse tša Modimo, o sepetše thwi go bapa ka Moyeng, go bonala o ka re, o ile ntle le go rera Ebangedi, le go lelekela bodiabolo ntle. Eupša tlase ka go yena, nako yohle, o be a le Judase, le go thoma. Beibele e rile, “O tswetšwe e le morwa wa molahlegi.”

<sup>103</sup> Bjale elelwang, go na le kereke ya senama morago kua, Esau, Bafarisei le Basadutsei.

<sup>104</sup> Eupša šetšang mothaka yo a naganago yenamong feela . . . O tla ya mmogo le Molaetša lebakana, eupša o no se nyake go bea diatla tša gagwe godimo ga Wona kudu. Le bona yona meboya? Jesu o rile, “E tla ba kgauswi kudu go selo sa kgontha, e tla fora bona Bakgethiwa,” Bakgethiwa, ge le ka e lemoga, “ge go be go kgonega.” Eupša ga go kgonege. Le a bona, e tla fora.

<sup>105</sup> Bjale šetšang, e sego feela kereke ya senama, yona ntle fale, kereke ya mehleng ya nama, sehlopha sa Esau.

<sup>106</sup> Bjale re na le sehlopha sa Bojudase, se se lego moradia kudukudu, moradia kudukudu, go tleng thwi godimo ka go tšona diatla tša tšhegofatšo. Go no swana le ka go Bahebere 6 le 10, ka fao a boletšego, “Ba kile ba dirwa batšeakarolo gomme ba latswa maatla a lefase le le tlago, gomme ba dirile dilo tše tšohle; ge . . . gomme gona ge ba amogetše tsebo ya Therěšo, gomme gona ge ba šikologela kgole ka boomo.” “Ka boomo,” ke eng seo? “Go sema Madi a kgwerano, ao ba hlwekišitšwego ka ona, selo sa gosehlweke.”

<sup>107</sup> A nke ke le fe seswantšho. Sese sona. Monna šo, ke moisa wa go loka, mošemane yo mobose. O biditšwe, o ikwela ka pelong ya gagwe o nyaka go ba modiredi. Go lokile, o amogela Jesu bjalo ka Mophološi wa sebele. Ke mošemane yo mobose, ga a gona a ka bolelago selo kgahlanolong le yena. Ka morago ga lebakana, thuto ya tlhwekišo. Monna o kganyoga ge a lebelela basadi. O . . . E ka go yena. Le a bona? Gomme ka gona, selo se se latelago, mohlomongwe o be a kgoga, gomme o nyaka go kgoga.

Mohlomongwe o nyaka go kempola. Mohlomongwe o nyaka go dira selo se sengwe se sebe. O a tseba gore ga a swanela go dira seo, ka fao o re, “O Modimo, tlotša Madi a Jesu go nna, gomme ntlhwekiše.”

<sup>108</sup> Gomme o a hlwekišwa. A ka goelela, a tumiša Morena, a dira dilo tše dingwe, le yena, go ya ntle le go dira selo. Elelwang, Jesu o rile sekai sela se tla ba fale mo letšatšing lela. “Ba bantši ba tla tla gomme ba re, ‘Morena, a ga ka profeta, ke rerile? A ga ka lelekela bodiabolo ntle, ka Leina la Gago?’” Jesu o rile, “‘Ebile ga se ke go tsebe, wena modiri wa bokgopo.’” Le a bona, šebale fale.

<sup>109</sup> Bjale šetšang se bjale. Re tla go dira milione tše lekgolo tša moriri, thwi go theoga ntlheng ye bogale ya Ebangedi, “Bogalegale go feta tšoša ya magalemabedi, e sega ebile go aroganya lerapo, gomme Mořenyeki!” Haleluya! Modimo, a nke e ye go kgabola. “Mofenyeki wa dikgopololo tsa monagano.” Yeo ke Ebangedi, Maatla a Modimo. Lentšu la Modimo ge le dirilwe go bonagala ke Ebangedi.

Le re, “Beibele e boletše. Leo ke—leo ke Lentšu la Modimo.”

<sup>110</sup> Gabotse, Lentšu ge le dirilwe go bonagatšwa ke Ebangedi. Ebangedi e tlide go rena e sega ka Lentšu feela, eupša ka maatla le diponagatšo tša Moya wo Mokgethwana, go bonagatša Maatla, go dira Ebangedi e phele.

<sup>111</sup> Ge ke ile India, mopišopomogolo wa—wa kereke ya Methodist o tlide ntle, o rile, “Mna. Branham, ga re nyake go tseba e ka ba eng ka moromiwa. Re tseba kudu ka Beibele go feta bohole le tla tsebago.” O rile, “Re be re le kereke, gomme ra dula fa mengwaga ye dikete tše pedi pele le eba setšhaba.” Yeo ke nnete. Eupša o rile, “Re kwa gore Modimo o go etetše le go tliša mpho yeo e ka dirago Beibele ye go phela.” O rile, “Seo ke se re nago le kgahlego ka go sona.” Oo, nna! Le a bona, monna yola e be e le morwa, e sega setlogolomorwa, bjalo ka ge David a boletše. Le a bona? “Re nyaka go tseba. A ke therešo?”

<sup>112</sup> Ke rile, “Ka kgonthé, ke therešo. ‘Jesu Kriste wa go swana maabane, lehono, le go ya go ile.’”

<sup>113</sup> Bjale, mo eleng hloko, kereke ya tlhago e tlaiša kereke ya semoya. Bjale, re hwetša gona gore Judase o itiriša go ba ngwanešu, ngwanešu, gomme morago a kgobokana godimo gomme mafelelong a tla go sehloa.

<sup>114</sup> Bjale šetšang moreri yo moswa yo. O tla lefelong, o re, “Morena, ke be ke lebeletše godimo ga basadi. Ga ka swanela go dira seo. Ke bile, le a tseba, mohuta wa go dira dilo tša lefase. Ga ka swanela go dira seo. Ke be ke tše tšelete ya ka go mekato ya dipere. Ga—ga ka swanela go dira seo. Ke—ke be ke eya bošego bjo bongwe le bjo bongwe go dipontšho tša diswantšho. Ga ka swanela go dira seo. Ke ipshina ebile le ka diswantšho tša mahlapa le dilo tše bjalo ka tše, ke na le go dimamaretšwa

godimo ka kamoreng ya ka. Ga ka swanela go dira seo. Tšeо ke dilo tša lefase. Ntlhwekiše, Morena!”

<sup>115</sup> Gomme Morena o rile, “Go lokile, Ke tla dira seo.” O tlotša Madi a Jesu Kriste le go mo hlwekiša.

<sup>116</sup> Ka gona, ge a dira seo, bošego bjo bongwe o feta kgauswi gomme o kwa se sengwe. O ya godimo le go theetša. O kwa ka kolobetšo ya Moya wo Mokgethwa, go tlatšwa ga Moya. Ka gona o lebelela godimo ka go yona, “Oo, nna, a seo ga se makatše! Eupša, e re, seo se tla senya bodiredi bja ka ge ke rerile seo. Seo se tla dira mama a nthake ka gae. Ba tla nkoba kerekeng ya ka ge nka tsoge ke ile ka go seo. Oo, bokaone ke tloge go seo. Eupša a nke ke lebelele go se kgabola. Ee, yeo ke Therešo, Beibele.”

<sup>117</sup> Gabotse, boka modiredi tsoko wa go tuma, wa go tsebega ka lefase ka bophara, o hweditšwe e se kgale (ke monna yoo a bilego le nna ka Puerto Rico) mo matolong a gagwe, a bolela ka maleme, ka London, Engelane; monna yo maatla, yo mongwe wa baebangedi ba bagologolo ka lefaseng lehono. Gomme monna yo, ngwanabo a nago le nna mo, monna wa go tlatšwa ka Moya, o kitimetše go yena gomme a re, “Oo, ngwanešu, yeo ke yona.”

<sup>118</sup> O rile, “Ke a e tseba. Ke a e tseba. Eupša, lebelela, a nke ke go botše se sengwe.”

<sup>119</sup> O rile, “Se rere bjale. Se rere. Ye ke iri. Ka khuetšo ya gago, o ka šikinya lefase.”

<sup>120</sup> O rile, “Aowa, nka se kgone go e rera. Le a bona, ke—ke kereke e tla ntlhanamela. Nka se kgone go rera seo. Nka se kgone go e dira.” Oo, ngwanešu!

<sup>121</sup> “O amo... ga tee a hlwekištwe gomme a tlile godimo go amogela tsebo ya Therešo, lebelelang ka go Yona, a bona gore E lokile; gomme a retologela kgole, go bona gore ba ipapoletše bonabeng Morwa wa Modimo, le go Mmea go dihlong tša phatlalatša, a lewa ke hlong ka Ebangedi.”

<sup>122</sup> Paulo o rile, “Ga ke lewe ke hlong ka Ebangedi ya Jesu Kriste, gobane Ke Maatla a Modimo go phološo.” Ke Maatla a Modimo a šoma magareng ga Kereke ya Gagwe.

<sup>123</sup> Eupša ba rile, “Nka se kgone go dira seo.” Monna yo o rile, “Ba tla nagana nna ke mopentecostal. Ba tla ntira...” O rile, “Botsebalegi bja ka—bja ka bo tla senywa.” Oo, ngwanešu!

<sup>124</sup> Ga ke ne botsebalegi. Ke nagana ka bja Gagwe. Botsebalegi bja Gagwe, yoo ke Yena.

<sup>125</sup> Eupša le bona ka fao ba kgonago go tla kgauswi le Yona, le a tseba, “Gomme ba bala Madi a kgwerano ao ka ona ba hlwekištswego, selo se se mo hlwekištsegoo le go mo tšeа go tšwa lefaseng, le go leka go mmea godimo ka Fa. Gomme ka gona o lebelela godimo ga Lona, le go ba le tsebo ya Lona. Go retologa go tloga go Lona, fao ga go sa na le sehlabelo gape sa sebe,” go boletše Beibele, “eupša tebelelo ya go boifiša bakeng

sa kahlolo le kgalefo e tukago e tla go, e tla, ye e tla metšago lenaba. ‘Gobane tefetšo ke ya ka,’ o rialo Morena. Yo a nyaditšego molao wa Moshe, o hwile ntle le kgaogelo, ka tlase ga dihlatse tše pedi goba tše tharo. Ke kotlo ye ntši kudu gakaakang, le kotlo e šiišago, le ge e swanetše, modiredi yo a gatilego Madi a Jesu Kriste ka tlase ga maoto a gagwe, ka morago ga go amogela tsebo ya Therešo, gomme a E bala selo se sego se sekgethwa.” Fše!

<sup>126</sup> Le bona moo re lego? Jesu o rile, “Phafogang.” Le bona ka fao Judase a bilego? O be a lokile le bona. O be a le Esau, a dirilwe yo mogolwane go lebaka le. O be a le mofori, moekiši, a dirilwe yo mogolwane go lebaka le. Šo o tla thwi godimo go, gape, ngwanešu wa Jesu, ngwanešu yo a itirišitšego. Eupša ka pelong ya gagwe, o be a na le kereke ya kgale ya senama nako yohle, gobane ke moo a rekišitšego Jesu go yona. O rekišitše Jesu, ditokelo tša gagwe tša tswalo, feela bontši bjalo ka ge Esau a dirile bakeng sa togotogo ya moro. O rekišitše ditokelo tša tswalo tša gagwe bakeng sa diripa tše masometharo tša silibere.

<sup>127</sup> Monna le mosadi ba bantši lehono ba rekišitše ntle tokelo ya bona ya tswalo bakeng sa botsebalegi tsoko, selo se sengwe se sennyane sa lefase o ka se tsoge wa se fonya; ba bannyane tsoko, basadi, ba apere meikapo le go kota moriri, ba apere diaparo tše kopana; banna, bakeng sa metlae ye mennyanne ya ditšhila le go kgoga disekerete, se sengwe sa lefase. “Ge o rata lefase goba dilo tša lefase, lerato la Modimo ga le ka go wena,” go boletše Beibebe.

<sup>128</sup> Ga ke nyake go le gobatša, eupša re godimo bofelong. Re tla godimo bjale, re tla godimo ga lelere ka pela bjale.

<sup>129</sup> Le bona ka fao e lego? Ba a e dira. Ba kgethetšwepele. Ba ka no ekiša gomme ba no ba bose le go kokobela, feela kgauswi, bjalo ka Bakriste, kgauswi kudu ba tla forago bona Bakgethiwa; eupša le tla ba tseba ka dikenya tša bona.

<sup>130</sup> Mosadi a apere dišothi, ga se nke a bogega boka Mokriste, go nna. Beibebe e rile, “Ke sebe le selo sa dihlong go mosadi go ripa moriri wa gagwe.” Mosadi yo motee feela ka Beibeleng a kilego a penta sefahlego sa gagwe, e be e le Isebele.

<sup>131</sup> Go reng ka banna, lena banna ba le swanetše go ba banna ba Bakriste, gomme le dumelelago basadibagatša ba lena go dira seo? Ge, Modimo o tla le swara boikarabelo ka yona! E sego motho! Senama! “Oo, ke tla ya ntle nako yeo le go tšoena kereke ye.” [Ga go selo godimo ga theipi—Mor.] “. . . o nagana ka yona.” Seo e no ba tlwa se Lengwalo le rilego ba tla se dira, gomme seo e no ba tlwa se ba se dirilego. Gomme seo ke se ba tla se dirago, go itšimeletša!

<sup>132</sup> Yo mongwe o rile, “Billy, ge o sa emiše seo, o tla raka yo mongwe le yo mongwe.”

<sup>133</sup> Go ne Selo se tee seo se ka se yego, Moya wo Mokgethwa, gobane Ke Lentšu la Gagwe. Gomme modumedi wa kgonthe yo

a kgethetšwegopele a ka se tloge, gobane Ke Sejo go soulo ya gagwe. O a Le rata. Ga go selo se ka mo thibelago go tloga go Lona. O tla dira e ka ba eng, boka Jakobo, eupša o nyaka tokelo yela ya tswalo. O tla ema fale. Ga ke kgathale ge eba go bitša mogwera yo mongwe le yo mongwe a nago le yena, ge go tšere mošomo wa gagwe, ge go hlotše boleloko bja kereke ya gagwe, ge go bitša se sengwe le se sengwe. O tla no fele a swareletše go yona, gobane ga a kgone go e thuša. Go na le se sengwe ka go yena, se a mo šuthiša, botebo bo bitša Botebo. Oo, ke lena bao, se sengwe ka go yena!

<sup>134</sup> Lebelelang, eng kapa eng le nyakago go e hwetša ka Beibeling, gomme le e tope godimo mo, go ya morago go Genesi le go bona moo e phaphašitšwego gona, go bona moo e tlago. Meboya yohle le go sepela lehono e ya morago go Genesi. Seo ke se re se dirilego, go netefatša go lena dilo tše tšeō le di bonago, bagwera. Le se lebale seo. Le se e dumelele go ya ka godimo ga hlogo ya lena. A e nwelele ka go lena. Tšeō ke dilo tša Modimo. E tla hlogong; gomme Jesu o akanyeditšepelore e tla tla go hlogo gape ka matšatšing a mafelolo, gomme e tla ba ka ye: Leswao la Modimo, le leswao la sebata; maatla a mabedi a semoya a šoma mmogo.

<sup>135</sup> Bjale, mang le mang o a tseba gore Leswao la Modimo ke tokelo ya tswalo, kolobetšo ya Moya wo Mokgethwa. Baefeso 4:30, e re, “Le se ke la nyamiša Moya wo Mokgethwa wa Modimo, wo le swailwego ka wona go fihla letšatši la topollo ya lena.” Ge ba tswetšwe gape, ba tladitšwe ka Moya wo Mokgethwa. Moya wo Mokgethwa ke Tswalo ye mpsha, re tseba seo. O—o belegwe ka Moya, ke tla amogela seo. Eupša go fihla o tswalwa!

<sup>136</sup> Go na le lesea le belegwe ka popelong ya mmago lona, le na le mohuta o tee wa bophelo. Bjoo ke bophelo, gomme tša lona tše nnyane . . . disele tše nnyane ka mmeleng wa lona di phetlega le go raga le go taboga ka mokgwa *woo*. Eupša ge le tswalwa, le na le . . . [Ngwanešu Branham o phaphatha diatla tša gagwe gatee, a ekiša go phasola—Mor.] ka mokgwa *woo*, gomme ka gona o a tswinya, a ba soulo ya go phela.

<sup>137</sup> Gomme lesea le ka kgona go ya kerekeng le go re, “Oo, ke dumela go kereke. Ke, ke tla ya, ke tla dira *se*. Gomme ke lokile . . . Ke nyaka go dira gabotse, ke nyaka go dira gabotse.” Eupša se le se hlokago ke go phasolwa ga Ebangedi go le phafoša, go goleletše go ya Bophelong bjo Bosafelego; gomme Moya wo Mokgethwa o golelala ka go lona, boka O se wa tsoge wa goleletše pele. Gona ke sebopiwa se seswa, se tswetšwe ke Moya. Gona le thoma go gola, go sepela, le go ba le go ba sa lona ka go Modimo; le a bona, feela bjalo ka lesea, lesea la tlhago, le na le go ba ga lona ka lefaseng.

<sup>138</sup> Ka gona ge tabarenekele ye ya lefase e phušulwa, re na le ye nngwe e letile, le a bona. Feel a ka kgonthe bjalo ka ge mmele wa

tlhago o be o etla pele, go na le mmele wa semoya go o amogela ge o ewa go tloga go mme wa lona. Gomme ge le rotha go tšwa go mme, lefase, leo le lego gona, le ka popelong ya lona bjale, le tsetsela, le lla, (O Modimo!), le a tsetla, le a katana, le a tšofala, le bolwetši, le se sengwe le se sengwe go le nyamiša, gomme moya ka gare ga lona o lebeletše naga mošola wa noka. Le a tsetsela, le a menekana, le a taboga, (ee, mohlomphegi) gobane go ne bophelo ka kua bjo bo phelago neng le neng. Le ka mmeleng wo o swanetšego go hwa. Gomme nako ye nngwe, feela ge mme a ušitše lesea la tlhago, gomme mmele wa semoya o le hweditše; lefase le tla wa, gomme mmele wa thato ya tlhago o tla wa, gomme mmele wa nama . . . goba mmele wa legodimo o tla o topa mošola. Ge tabarenekele ye ya lefase e phušoga, re ne ye nngwe e letile. Ke ka baka leo le lebetšego dilo tša lefase. Di hwile, go lena. Moya šole.

Bjale e šetšeng ge re eya pele bjale, meboya ye mebedi.

<sup>139</sup> Moya wo Mokgethwa ke Tswalo ye mpsha, re tseba seo. O tswalwa gape, ka Moya wa Modimo. Ke ka mokgwa wo o tswalwago, ka Moya. O tswetšwe ka Moya, yeo ke Tswalo ye mpsha. Go lokile. O tswetšwe ka Moya; gona ge o tswalwa ke Moya, o tladitše ka Moya wo Mokgethwa. Go lokile.

<sup>140</sup> Ka gona ge ba babedi ba ba le lefaseng, tlhago le semoya, dinako tše dingwe . . . ke bone se. Bjale go tswaleleng, ke nyaka go tla go tswalela bjale, ka go bolela se metsotso e se mekae. Ka tlhagong goba ka semoyeng, yo motee e ka ba . . . Bjale ke a holofela gore yo mongwe le yo mongwe o swara se. Bjale ebang ba go homola le tlhomphokgolo ka mo le kgonago.

<sup>141</sup> Bjale, a le kile la bona se? Le a bona ka dikerekeng tša rena lehono, ebole le ka go dihlopha moo re ikarogantše renabeng le go dira mekgatlo; gomme re bone sohle se. Gomme le bone monna a topa Lengwalo le le itšego, gomme, ngwaneshu, monna yola a ka kgona go tsea Lengwalo lela le go le dira le phele boswa, a le dire le phele feela tlwa se le se tshepišitše fa ka Beibeleng. Gomme monna yo a latelago o tla mmona a e dira, gomme o tla tla go dikologa le go leka go e dira, le go palelw. Ke a holofela le a bala bjale. O tla šitwa. Gobaneng? Lengwalo ga se le šušumetše go yena. O no leka go ekiša. O leka go dira boka se sengwe. O be a se . . . Gabotse, mohlomongwe o rometše ke motho. Mohlomongwe monna yo mongwe o rile, “Gabotse, o ka kgona go dira selo sa go swana.” Le a bona, feela boka Jesu a boletše go tla ba ka tsela ye. Beibele e e akanyeditšepele ka matšatšing a mafelelo, “Bjalo ka ge Jannese le Jamboro ba emelane le Moshe.”

<sup>142</sup> Moshe o be a eme kua, gomme fao go be go eme Jamboro. Gomme Moshe o lahletše lepara la gagwe fase, gomme la ba sephente. “Gobaneng,” Farao o rile, “etla mo, Jamboro, o ka kgona go dira selo sa go swana.” Gomme o dirile, le a bona. Eupša go diregile eng? Nako yeo lepara la Moshe le jele lepara la

gagwe. Le a bona, o dirilwe go bonagatšwa. Lepara la gagwe le be le le kae?

<sup>143</sup> Feel a boka kwešišo kagodimogadikwi. Ke go swana le bomoya bjo bo rilego. Go swana le tše dingwe tša dikereke tše tseo ba dumelago senama, kgolekgole. Dilo tša... Ba re, "Gobaneng, seo e be e le sa letšatši le lengwe." Ba gohlegohle ka ntle. Eupša šetšang moy a wo mo matšatšing a mafelelo o ya go ekiša Moya wa kgonthe. Le a bona? Fao ke mo bothata bja gago bo tlago. Feel a tlwa boka yena yoo a lego kgonthe, le a bona; eupša ga se a kgone go e dira e bonagale, o be a sa kgone go e swara, o be a ka se kgone go e dira ya mafelelo. O Modimo!

<sup>144</sup> Batho ba tla godimo gomme ba re, "Ke na le Moya wo Mokgethwa, le nna." Lebelelang ka tsela ye ba phelago; ga e tše go tloga tsošeletšong go ya go ye nngwe, go tloga kopianong e tee go ya go ye nngwe. E dirilwe go bonagatšwa, ga ba na le Yona. Ge monna a tswetšwe ka Moya wa Modimo, goba mosadi, ba na le dikenywa tša Moya. Ba sepela bomodimo. Ba phela bophelo bjola. Le a bona? Ba ya kgole go tloga go dilo tša lefase. Modimo o tsena ka go bona le go itira Yenamong go bonagala, le go netefatša gore Yena ke Modimo a šoma ka fale. Ye nngwe e a ekiša. Le a bona?

<sup>145</sup> Dikekišo, ke seo se bego se le tsela yohle go theoga, go ekiša. Lebelelang Ishmaele, le Isaka; gomme bohole go theoga, le a bona, ba ekiša. Lebelelang moprofeta Moshe, gomme lebelelang moprofeta Bileama. Le a bona? Le bona ka fao ba tlago tlase! Lebelelang Judase, gomme lebelelang Jesu.

<sup>146</sup> Gomme Jesu o bolelelapele gore Moya wo Mokgethwa wo, mo matšatšing a mafelelo, e tla ba Leswao la Modimo. Bjale, leswao la sebata e tla ba eng? E tla ba go gana Leswao la Modimo. Ka gore, bohole ba bego ba se na le Leswao la Modimo ba bile le leswao la sebata. Gomme ge e le maswao a mabedi a semoya, l letee la ona e tla ba leswao la therešo la Modimo, le lengwe e tla ba bokgelogi. A le kgona go e bona?

<sup>147</sup> Lebelelang leswao ka go Testamente ya Kgale. Ge phalafala e be e lla, mogobo, mengwaga ye mengwe le ye nngwe ye mentši bjalo, ma—ma makgoba a ile a lokologa ka gore phalafala e be e letšwa. Gabotse, yo mongwe le yo mongwe yoo a nyakilego go lokologa, o kgonne go ya. Eupša ba bangwe ba bona, ba ratile go ba makgoba, kafao ba ba išitše aletareng le mo koteng ya kereke, gomme ba borile tsebe ya bona ka lemao. Gomme ba be ba swailwe go ya go ile, ka mehla ba be ba direla mong yoo.

<sup>148</sup> Gomme lehono le tla kwa molaetša wa Ebangedi ka Therešo, "Bjale o ka kgona go lokologa ge o nyaka go dira," Modimo o bolela le wena. Eupša ge o fihla godimo go mothalo wola wa mollwane fa le go lebelela godimo, le go ba le tsebo ya Therešo, gomme morago wa retologa go tloga, o go bora mo tsebeng gomme ka mehla o tla ba modumedi wa bohlale. O tla

ba wa bodumedi gomme wa ya kerekeng, eupša wa se tsoge wa amogela Moya wo Mokgethwa. Le a bona, morago wa hlankela yeo letšatši la gago ka moka. Bjale, leswao la sebata, goba Leswao la Modimo. Gomme re tla kgaušwi kudu.

<sup>149</sup> Bjale, lebelelang, Lentšu le swanetše go šušumetšwa; go Le kwa, go Le lemoga, le go dira godimo ga Lona. Batho ba bantši ba tla kwa, eupša ba ka se Le lemoge.

Modimo o tla re, “Ye ke iri go wena.”

<sup>150</sup> “Nka se be mopshikologimokgethwa. Ga—ga ke nyake le e tee ya Leo.” Le a bona, ga ba Le lemoge.

<sup>151</sup> Re tla ya dikopanong, Moya wo Mokgethwa wo mogolo o tla sepelela fase. Ke be ke dutše fale letšatši le lengwe, ge pono e ttile pele le go akanyetšwapele feela tlwa eng. Ke rile, “Monna yo moswa šo o a tla.” “Etla fa,” ke šupeditše go weitha yela, “o ne bothata bja pelo gomme o lebeletše . . .”

“Ya. Yeo ke nnete tlwa.”

<sup>152</sup> “O bona mosadi yola a etla fale?” “Etla fa. O na le sekutu mo sefegeng, gomme se godimo ga letswele la nngele, gomme o ka seemong se sebe kudu. Gomme o modiradibe gomme ga o . . .”

“Nnete tlwa.”

<sup>153</sup> Banna bale ba dutšego fale, ba lebeletše go dikologa, bareri le bohole, ba rile, “uh-huh!” Eya kopanong, šetša Moya wo Mokgethwa o eya thwi ntle go kgabola kopano le go bolela diphiri tša dipelo, dilo boka tše. E re, “Semaka. Ke a thanka. Ya.” Le a bona? Oo, ngwanešu! Le a bona? E—e—e ka lehlakoreng le lengwe, go ne se sengwe se diregilego. Basadi ba tla tšwelapele go ya pele thwi, ba dira selo sa go swana. Banna ba tla ya thwi morago, boka kolobe lerageng la yona le mpša mahlatšeng a yona, feela go swana. A ga le bone? Bjale ke bolela le ka mo . . . mo . . .

<sup>154</sup> Le a bona, o swanetše go lemoga nako yeo, mogwera, ke boemo bofe o lego ka go bjona. Ke ka lebaka leo theipi ye, ke rile, “Go kereke nnoši.” Le a bona? “Kereke e nnoši.” Ge o biditšwe go tšwa seetšeng . . . go tloga leswiswing go ya Seetšeng, go tloga lehung go ya Bophelong; go tloga go ya go itlhophha, kgopolu ya bohlale ya Kriste, go ya go boitemogelo bja go tswalwa gape; gomme o šeditše bophelo bja gago, gore bo beela dilo tša lefase ka thoko, gomme o emela Kriste, go sa kgathale; gona se sengwe se diregile. Le a bona? Go na le se sengwe ka go wena, se swerwe ke tlala le go sepela, boka go bile Jakobo. Le a bona, o katana le Morena, o sepela go fapanā ka morago ga fao. Selo se sengwe se fapanā ka go wena, o fetogile.

<sup>155</sup> Bjale, e swanetše, pele e ka dirwa, e swanetše go šušumetšwa go wena. Ga ke tshwenyeyege, nka kgona go ema fa le go rera go fihla ke ne . . . moriri wo ke o hweditšego o wele, go fihla magetla a ka a kobegetše fase gomme ke be ke le masomesenyane

a mengwaga bogolo, gomme o theeditše letšatši le lengwe le le lengwe; go fihla Modimo a phediša seo go wena, o sa le ka sebopegong se se swanago.

<sup>156</sup> Matšatši a mabedi ke be ke ithuta le go rapela ka se. Le a bona? Ke rile, "Morena, a ke swanetše go bolela seo go kereke?"

<sup>157</sup> Se sengwe se rile, "Se bolele. Iri e batametše. Se bolele." Ke ikwela gore O tla be a nkgoga go tloga gabotse ka pela, kafao ke—ke nyaka gore le e tsebe.

<sup>158</sup> "Ga go motho a ka tlago go Nna," go boletše Jesu, "ntle le ge Tate wa Ka a mo goga pele. Oo, ke a tseba le re le na le Modimo le Abraham, go tataweno; eupša ke le botša se, lena le ba... tataweno diabolo," go boletše Jesu. Banna ba bodumedi, baprista, le banna ba bagolo, "Ke lena ba diabolo, tataweno." Le a bona? Hlokamelang, dikenya tša Moya.

<sup>159</sup> Bjale, le a bona, le swanetše go phedišwa go lena.

<sup>160</sup> Ga se ke kgone go eleletša Noage a re, "O a tseba ke eng? E swanetše go no ba e ka na letšatši le lengwe, kafao ke tla no ya ntle le go ikagela areka. Ge e ka na, gabotse, ke tla tsena ka arekeng gomme ka sepelela kgole. Gomme ga go selo se ka ntshwenyago, gobane ke ya go tsena arekeng le go sepelela kgole." A le ka eleletša? Aowa. Aowa. Yeo e be e se yona. Ge nkabe e bile yona... Oo, a nke Bakgethiwa ba e kwe bjale. Ge nkabe seo e bile sona, mokweri wa pele a tlago kgauswi, bjalo ka ge Beibele e rile ba bile gona, ba mo kwerile, a ka be a beile hamola ya gagwe fase gomme a sepelela kgole.

<sup>161</sup> Boka batho ba dira lehono, bao ba thomago le Jesu; gomme ge ba lebelela godimo le go bona Therešo, ba šikologela kgole le Yona. Ga ba kgone go E emela.

<sup>162</sup> Boka moebangedi yola wa go ikgetha a boletše, "E tla—e tla kgeilela bodiredi bja ka godimo." Ga ke tshwenyege ka bodiredi bjoo Moya wo Mokgethwia o tla bo kgeilelago godimo. Bo swanetše go kgeilwa. Bjale, eupša, le a bona, ke boikgogomošo, monna yo montši kudu, motho yo kaalo. Oo, hlokamelang ka go se bjale.

<sup>163</sup> Noage o be a le ntle ka tšhemong, gomme o kwele, gomme o lemogile, gomme o dirile. Ga go kgathale ke bakweri ba bakae ba tlago, o agilwe thwi.

"Noage, o mopshikologimokgethwia."

<sup>164</sup> "Ga se ntshwenye nthatana." A aga! O be a kwele. O e lemogile go ba Modimo, o e ahlotše ka Mangwalo, gomme go bile bjalo. O agile areka thwi, go sa kgathale.

<sup>165</sup> A o ka eleletša, a o ka tsoge wa eleletša se, gore Moshe, tseleng ya gagwe go ya Egepeta, o tšwetše ntle letšatši le lengwe gomme a re go Tsipora, mosadimogatša wa gagwe, "Tsipora, le a tseba ke eng? Ke phatsimišitše tše dingwe ka popopolelo ya ka. Ke na le ye nnyane ya dipalontshetshere tša ka e otlollotšwe

godimo, le ye nngwe ya geometri ya ka le, oo, dilo tše dingwe tše ntši, le thuto ya ka. Ge e sa le ke dišitše dinku morago mo, ke—ke—ke pholetšhitše tše dingwe tša tše. Ke dirile phošo tlase ka Egepeta. Ke nagana gore ke tla ya tlase gomme ka e phošolla. Ke nagana gore ke tla ya tlase”? Aowa, lephoto la mathomo le tlie kgahlanong le yena, a ka be a wetše fale thwi.

<sup>166</sup> O dirile eng? O lebetše tšohle a kilego a di tseba ka ga geometri le ka bohlale bja gagwe. E bile bjona bo mo tsentšhitšego bothateng.

<sup>167</sup> Seo ke se se tsentšhitšego kereke ka bothateng lehono, ke bareri ba bantši kudu ba go rutega ntle le go tswalwa ke Moya. Banna le basadi ba rata go theetša dipolelo tša bohlale, sebakeng sa go rera maatla le tsogo ya Jesu Kriste. Seo ke se se re tsentšhitšego bothateng lehono. Ga re sa hloka gape dikolo tša godimo le thuto bakeng sa bareri. Re hloka banna ba ba bitšwago ke Modimo bao ba tladišwego ka Moya wo Mokgethwa, gomme e sego thutamodimo tsoko ya madirwakemotho ya kerekeleina tsoko. Re hloka banna babitšwa ke Modimo.

<sup>168</sup> Moshe o be a dišitše dinku, a dula fase gomme a lebala. O tsebile bohlale bja gagwe bo paletšwe. O tsebile thuto ya gagwe e mo šauditše. O be a dišitše dinku, eupša o kwele, oo, “Rola dieta tša gago, Moshe, tulo ye o emego go yona ke ye kgethwa.” O e theeditše. E be e le eng? Segalontšu sa Morongwa se be se boletše sa Lengwalo. O be a tshepišitše Abraham, tatagwe, “Ke tla etela batho ka morago ga ge ba bile tlase fa lebaka la mengwaga ye makgolonne, gomme Ke tla ba ntšhetša ntle ka letsogo le maatla.” O lemogile gore leo e be e le Lengwalo la Modimo le dirwa go bonagala.

<sup>169</sup> A nke ke eme motsotso. Dumelelang se go nwelela ka gare. A le kgona go bona se ke bolelago ka sona lehono? Lentšu la Modimo le dirwa go bonagala thwi pele ga lena, gomme ga le e lemoge. Naganang bjale ka Sodoma le Gomora; naganang ka tshepišo ya Kriste go matšatši a mafelelo.

<sup>170</sup> Moshe o e lemogile; e be e le ya Lengwalo, e be e le tshepišo. O kwele, a lemoga. Se sengwe se tlie ka go yena, ngwanešu, a ka kgona go ya go e dira nako yeo. O dirile. A ka kgona go ya tlase le go emiša Farao yo mongwe le yo mongwe. A ka kgona go bitša dikotlo ge a be a nyaka go dira. O be a kgona go bula Lewatle le Lehubedu, ka gore o be a kwele, o ile a lemoga, o be a dira legatong la Modimo.

“Ke tla ba Modimo go wena, o tla ba moprofeta go Nna,” O boletše.

Gomme o rile, “Nka se kgone go e dira.”

<sup>171</sup> O rile, “Gabotse, gona, wena eba modimo, gomme a nke Arone a be moprofeta wa gago. O swanetše go ya, golebjalo.”

<sup>172</sup> Ga se a no re, “Gabotse, mohlomongwe ke swanetše go ya tlase le go otlolla dilo.”

<sup>173</sup> A o ka kgona go eleletša Eliya godimo ga Thaba ya Karamela, a re, “Le a tseba, naga ye ke ya go tlala sebe kudu, mohlomongwe, mohlomongwe ke swanetše go ya ntle gomme ke botše Ahaba gore o swanetše go lewa ke dihlong ka yena mong. Mohlomongwe ke swanetše go ya godimo thabeng fale le go dula fase, gomme feela go ikona botelele bjalo, go fihla bona batho ba babja kudu le go lapa ka go mpona godimo fale ba ehwa ka tlala?” Aowa. Aowa. E be e se yona.

<sup>174</sup> Eupsa o kwele, gomme a lemoga, gomme o dirile. “Ke laetše magokobu go go fepa. Eya godimo kua, ka Kirithe.”

<sup>175</sup> Ge go etla nako ya makgaolakgang gare ga Baali le Modimo, o rile, “Sepelang, hwetšang dihlabelo tša lena, dirang e ka ba eng go tšona le nyakago, gomme bitšang modimo wa lena.” Ge ba itshega ka bobona, gomme ba bile le nama ye ntši, gomme ba tabogela godimo le fase, ba be ba na le lešata le lentši, o rile, “Goeletša gannyane godimodimo, mohlomongwe o ile, go rakediša felotsoko. A ka no be a robetše.” Oo, ngwanešu!

<sup>176</sup> “Gabotse, o a tseba ke eng?” O rile, “Ke nna modumedi ka go Jehofa, kafao ke kgone go dira se, golebjalo.” Oo, aowa, le se ke la ekiša seo. Aowa. Le se ke la leka go ba Eliya go fihla Modimo a le bitša go ba. Ee, mohlomphegi. “Ke nna mohlanka wa Jehofa.” Go ne makgolo a šupago a bona tlase fale, le bona, eupša ga go yo motee wa bona a ilego a leka go e dira.

<sup>177</sup> Ka gona ge a phaphologantše powana gomme a tšhela meetse godimo, o rile, “Morena, ke dirile se ka taelo ya Gago.” Le a bona . . . E ka ba mang gape a ka bego a lekile, go ka be go bile go šitwa moka.

<sup>178</sup> O swanetše go šušumetšwa go wena! Moya wo Mokgethwa o swanetše go e tliša le go e dira e bonagale go wena.

<sup>179</sup> Yeo ke ye e lego taba lehono. O ka se kgone go emeleta, aletareng, le go re, “Gabotse, Haleluya, Haleluya. Morena, ke nyaka Moya wo Mokgethwa. Haleluya, Haleluya.” Aowa.

<sup>180</sup> Eupsa, ngwanešu, kgaetšedi, ge Moya wo Mokgethwa o šušumeditše Lentšu lela go wena, o tla O hwetša pele o tlogela setulo sa gago. Se sengwe ka go wena se swele. Moreri a ka se swanele go go botša go dira se le go dira *sela*. Matlakala a kgale a tla no hloholorega, gomme mahlare a maswa a tla tla pele. E šušumeditšwe go wena. O ka se befelelwé moreri ge a rera Therešo go tšwa Beibeleng. O tla Le rata, wa Le fihlelala. Ke Sejo sa soulo ya gago.

<sup>181</sup> Le Jesu, ka Boyena, O rile, “Ga Ke dire se Ke nyakago go se dira, ka Bonna. Morwa ga a kgone go dira selo eupša se A bonago Tate a se dira.” Mantšu . . . O be a le Imanuele, ka Boyena. O be a le Modimo lefaseng; Jesu o be a le. O be a le

nama ye Modimo a bego a dula ka go yona. O be a le tente yeo Modimo a phetšego ka tlase ga yona. Amene. Eupša ka go tšeō tšohle, Morwa motswalwakengarebe wa Modimo, Imanuele mo botlalang bja Moya, O bile le Moya ntle le kelo. Gomme, go le bjalo, ka nameng ya Gagwe Mong, O rile, “Ga Ke dire selo go fihla Tate a Mpontšha pele.” A šušumeditšwe go Yena, go e dira!

<sup>182</sup> Sathane o rile, “Fetola maswika a go ba borotho, gomme o dire mohlolo. A nke ke Go bone o o dira.”

<sup>183</sup> O rile, “Go ngwadilwe, ‘Motho a ka se phele ka borotho feela.’” Oo, nna! Eupša ge lešaba le swerwe ke tlala, O topile dinkgwa tše tlhano le hlapi tše nnyane tše pedi, gomme a fepa dikete tše tlhano. Oo, Haleluya! A le bona se ke se rago?

<sup>184</sup> Le se ke la leka go ekiša. Seo ke se e lego taba ka Pentecost lehono. Seo ke se e lego taba ka kereke lehono, go na le ba bantši kudu ba lekago go ekiša ba na le Moya wo Mokgethwa. Go na le ba bantši kudu ba lekago go ekiša phodišo Kgethwa. Go na le ba bantši kudu ba lekago go ekiša dilo tša go fapania tša Morena. O ka se kgone go dira seo. Dilo tšeō di tla ka kgetho, Modimo a bitša, o wa go tšwa popelong ya mme le yeo. “Dimpho le dipitšo di ka ntle ga tshokologo.” Oo, nna! Yeo ke therešo. O ka se kgone go itira se sengwe wenamong o sego sona.

<sup>185</sup> Eupša ge Modimo a go bitša, eba motho wa go leboga kudukudu ka lefaseng gobane O go biditše. Gona e ba kgonthé go wena.

<sup>186</sup> Boka ke tla bolela, ge nka be ke bile le nako, ka ga dihlorana letšatši le lengwe, nyakile go ntlhakatlhakanya. Ga se nke ka ke ka e bona pele, gomme nka se kgone go e dira. Hattie, a dutše morago fale a ntebeletše. Seo se kgonne bjang go tsoge sa direga? E be e ka se kgone go e dira, eupša e be e šušumeditšwe, ya phedišwa. Lentšu le ile la bolelwa gomme le dirilwe bjalo. Haleluya!

<sup>187</sup> Paulo, a o ka mo eleletša a re, “Ke bile ntle ka lewatleng le lebaka la matšatši a lesomenne le mašego, gomme go se dinaledi goba ngwedi, goba letšatši goba selo. Ke a thankia ke tla no ya godimo le go ba botša, ‘Ebang le tlhohleletšo ye botse, gobane Modimo o tla re hlokomela, golebjalo’”? Oo, Modimo ga a šome ka mokgwa woo. Modimo ga a dire seo.

<sup>188</sup> Tumelo ya gago e lokile, ngwanešu. Tumelo ya gago e a makatša. Eupša go fihla selo se šušumeditšwe go wena!

<sup>189</sup> Oo, lebone le lehubedu šele le lekeletše fale, gomme ge eba ke bona... ke re, “Gabotse, ke beile leoto la ka go lekhura. Ke na le koloi. Nka kgona go ya go kgabola lebone lela mošola, go dira dimaele tše lekgolo masomepedi ka iri.” Yeo ke therešo. “Nka kgona go kwa maatla ka tlase ga leoto la ka.” Eupša bokaone o lete go fihla la “sepela” leswao. Haleluya!

<sup>190</sup> A le hwetša se ke se rago? [Phuthego e a Araba, "Amene."—Mor.] Ge leswao la "sepela" le etla pele, go lokile. Ge selo se šušumeditšwe go wena, gomme Modimo a e dira go tsebja boka A dirile morago kua, go lokile. Eupša go fihla ge A e dira, re na le sehlopha sa boJudase ba ekiša, se sepela go bapa boka, se re, "Gabotse, ke no swana le ge ba le. Ke nna Mokriste, le nna."

<sup>191</sup> Oo, a ga le elelwé? Barwa ba Sekefa—Sekefa, ba ile ntle gomme ba rile, "Re a le laela, go le laela ka Leina la Jesu yo Paulo a mo rerago. Tšwelang ntle!"

O rile, "Paulo ke a mo tseba, gomme Jesu ke a mo tseba, eupša lena le bomang?"

<sup>192</sup> Iri e a tla ge go nepagala le phošo di dirwa go bonagatšwa. E laetša ka go Bakriste lehono. Go laetša ka dikerekeng lehono. Go bontšha ka go batho lehono. Ke le swareletše botelele; ke nyaka se go fihla go lena.

<sup>193</sup> Paulo ga se a ke a re, "Ke a dumela ke tla no ya godimo gomme ka re, 'Gabotse, eba wa tlhohleletšo ye botse.'" Aowa.

<sup>194</sup> O dirile eng? O kwele Morongwa. O tsebile yoo e be e le Morongwa wa go swana yo ka mehla a boletšego le yena. O lemogile, morago a dira. Ke ile godimo gomme ka re, "Ebang ba tlhohleletšo ye botse. Ka gore Morongwa wa Morena, mohlanka wa Gagwe ke lego, o eme kgauswi le nna bošego bja go feta, go mpontšha pono gore go ka se be le selo se lahlegago, godimo ga sekepe se. Ebang ba tlhohleletšo ye botse. Eyang le je matena a lena bjale. Se sengwe le se sengwe se lokile." Amene. Ge e šušumeditšwe go wena, ge Modimo a e lokiša!

<sup>195</sup> Ke na le tshwao mo felotsoko, ye ke e ngwadilego fase. Še yona thwi fa. Uh-huh. Re mo bofelong bja dilo tšohle. A nke ke no tliša se ka gare boka se bjale, go tswaleleng. Ke a holofela gore Modimo o utolotše se sengwe go wena. Lebelela. Se sengwe le se sengwe se mafelelong. Yo mongwe o botšišitše bošegong bjo bongwe, ke a dumela e be e le Ngwanešu Fred Sothmann, re be re botšiša ka bokgauswi bjo nako ya bofelo e lego.

<sup>196</sup> Ngwanešu Demos Shakarian o bone pono yela e bonagatšwa bjalo, gomme ya tla go phethega matsatši a mahlano moragwana, go ya go phethagala, go no swana le ge go mo lahletše ka ntle ga dieta tša gagwe. O nteleditše. O rile, "Joseph o bjang?"

Ke rile, "Go lokile."

O rile, "A o bona dipono?"

<sup>197</sup> Ke rile, "Ya. O mpoditshe ka ga Dafida, morwa wa Ngwanešu Wood, moo a welego ka sethuthuthu, matsatši a mararo goba a mane pele e direga, feela tlwa."

O rile, "O a tseba, dilo tše di latela malapa."

<sup>198</sup> Ke rile, "Moloki goba yo mobe, o a dira, e ka ba ofe. E latela malapa."

<sup>199</sup> Gomme re be re bolela gannyane nthatana, gomme bona, Fred o rile go nna, “Se se gogilwego go tšwa kae, Ngwanešu Branham?”

<sup>200</sup> Ke rile, “Lebelela, Fred, a re e tšeeng ka tlhago. Modimo o šoma ka tlhagong ya Gagwe. Lebelela, šetša se se diregilego. Letšatši le hlabile ka Bohlabela. Yeo ke tlhabologo ya kgalekgale re nago le yona, ke China.” Bohle re tseba seo.

<sup>201</sup> Tlhabologo ya kgalekgale re nago le yona ke China. Go lokile. Gomme tlhabologo e sepetsé go leba bodikela gohle mmogo. Gomme bjale o tla tloga kae ge o tlogetše Lebopo la Bodikela, go ya thwi go kgabaganya? O ya China. Tlwa. Re mo bofelong. Beibele e rile, moprofeta o rile, “Go tla ba le letšatši mo e ka se bego bošego goba mosegare, mola letšatši le feta godimo, eupša nakong ya mantšiboa,” feela pele e felela godimo mo, “gape go tla ba Seetša, go swana.” Jesu o rile, “Go tla ba le pula ya tsheola le pula ya kgogolamooko. Gomme pula ya kgogolamooko e tla tšweletša bobedi pula ya tsheola le ya kgogolamooko, ka go sehla sa go swana.” Re mo nakong ya bofelo.

<sup>202</sup> Lebelelang mo, a ke le laetseng. Dipolitiki di mafelelong. A le dumela seo? [Phuthego e re, “Amene.”—Mor.] Mpontšheng se sengwe lehono . . .

Setšhaba se ke se sempempe ka lefaseng, bakeng sa bomenetša, gohlokamodimo. Yo a badilego pampiri ya Courier bošegong bjo bongwe, ka Louisville, ge basadi ba bohle, ba hlaola, setšhaba se sengwe le se sengwe, mosadi yo mobotsebotse ka setšhabeng, le go ba emiša go ba Mohumagatšana Legohle? Se sengwe le se sengwe se dirile eupša Russia. Gomme ba rometše Khrushchev le go mmotšiša, “Gobaneng aowa?” O rile, “Russia ga e hlobole basadi ba bona thososo, go sepela pele ga banna.” Mohetene, setšhaba sa go hloka modimo se tliša kgobogo godimo ga rena ba re ipitšago Bakriste renabeng, o rile, “Russia ga e hlobole basadi ba yona thososo, go sepelela ntle ka mokgwa woo. Gomme ga o tsoge wa bona dišothi goba dilo tše bjalo ka tšeok ka Russia.” Bao ke bahlokamodimo. Gomme rena ba re ipitšago renabeng “Bakriste”!

<sup>203</sup> Ga go makatše Beibele e rile, “Tafola ye nngwe le ye nngwe e tletše mahlatša. Gomme ke mang nka mo rutago Thuto, gomme ke mang a phušitšego go tšwa letsweleng? Eupša molawana o tla tla godimo ga molawana, le mothalo godimo ga mothaladi. Gobane ka dipounama tša go kekeretša le maleme a mangwe ke tla bolela le batho ba. Gomme ye ke Khutšo. Ka gore sohle se, ba ka se kwe.” Re na le kgopolo ya rena ya bohlale. Oo, go ka ba botse bjang go dula letšatši lohle godimo ga Yona.

<sup>204</sup> Dipolitiki, di senyegile! Mademocrat, Marepublican, le tšohle, di fase. Ke eng? Ke sehlapha sa borofa. Motho yo mongwe le yo mongwe o šoma ka go yona, yoo a sa tswalwago gape, ke wa diabolo. Diabolo o rile, “Mmušo wo mongwe le wo mongwe

ka lefaseng ke wa ka,” gomme Jesu ga se a tsoge a phegišana le yena. Lefase le laolwa ke diabolo. Gomme motho yo mongwe le yo mongwe yoo a šomelago mmušo, ge eba a se Mokriste, ke wa diabolo gomme o šomela diabolo. Ditšaba tše tšohle di tla wela go Jesu Kriste ge A etla, fao go tla ba Mileniamo.

<sup>205</sup> Lebelelang fa lehono, se ba yago pele bjale. Go nkgoletša ka go šomiša tšelete tsoko ntle mošola bakeng sa Bakriste, gomme ba nyaka go mpha mengwaga ye masomepedi ka toronkong ya mmušo, bakeng sa go šomiša tšelete go dira mosepelo wa bodumedi. Gomme wisiki le dipiri le disekerete di phumola masome a dimilione tša ditolara ka ngwaga, go senya setšhaba. Gomme nna ke leka go rera toko, ke eme mojakong wa Jesu Kriste, le go nthoma go lefelo la tshokollo bakeng sa yona. Gomme ba tše selo boka seo sa bobe, ba tlasetlase, setswerere, bohlale, le go ba dira ba e phumole bakeng sa mananeo a thelebišene ao a sentšego lefase, a rometšego basadi go dimpša. Ye nngwe ya dithogako tše kgolokgolo kudu setšhaba se kilego sa ba le tšona, gomme ba a leswa. Ba nthomela go lefelo la tshokollo bakeng sa go rera Ebangedi, go tšeeng ditolara di se kae ntle fa go—go rera Ebangedi, gore batho ba mpha go rera Ebangedi ka yona. Ga se ka huma gomme nka se kgone go phumola yeo. Eupša efela ba nyaka go nthomela lefelong la tshokollo, ba ntshware mengwaga ye mebedi, gomme ba ba le tsheko etla ka pela. Oo, go tlasetlase bjang, go ditšila bjang! Modimo, eba le kgaugelo.

<sup>206</sup> Ke tla bolela selo se tee se, mohlomongwe yeo ke tsela ye Modimo a nago pele A romela pomo ya athomo. O swanetše go dira se sengwe sa phošo, le a tseba. O swanetše go kgwatha motlotšwa wa Gagwe nako ye nngwe, bakeng sa Lengwalo le la go swana, gore . . . “Se kgwathie Bakgethiwa ba Ka.” Yeo ke nnete. Kafao ge go swanetše go tše selo go tliša kahlolo, boka go dirile matšatšing a Daniele goba felotsoko gape, anke e tle. Ke nna mohlanka wa Gago, Morena. Yeo ke nnete. Oo, ee.

<sup>207</sup> Dipolitiki, tlasetlase! Setšhaba, se senyegile! Gabotse, lebelelang eng! Ba ya go bea masole ka dišothi bjale. Oo, nna! Dipolitiki, ntwa! Dipolitiki di mafelelong. Babušanoši ba phošitše. Dipolitiki di fošagetše. Ka baka la eng ba be ba sa dule le kgoši ya bomodimo bjalo ka ge Modimo a ba file, Dafida? Morena yo mogolo wa Engelane o rile, ge ye—ge demokrasi ye e bopilwe, o rile, “E lokile bjale, eupša go tla tla nako,” o rile, “e ka se be selo. E tla ba diseila yohle gomme go se go kgwaparetša.” Gomme o nepile. O rile, “Boradipilitiki ba ema go lepokisi la sešepi go khona ye nngwe le ye nngwe, dilo tšohle tša mohuta wa go kgopama tše di senyago mmušo.” Gomme monna o be a nepile. Tlwa se se diregago.

<sup>208</sup> Monna yo motee a ka kgona go ya ntle mo, le go ya go kgabola mo le go tagwa, le go kgeila godimo se sengwe le se sengwe a nyakago; le go ya tlase kua, o tseba yo mongwe le yo mongwe, kafao ga se gona se boletšwego. A nke monna wa go

šokiša, goba yo mongwe a sa tsebe, a leke go e dira, gomme ba romelwa go lefelo la tshokollo. Tshenyego, tlase, tšhila, diphesente tše masomenne tša bona mahomoseke. Naganang ka yona, Sodoma le Gomora gape! Fao go sehlopha, se swanetšego go ba bodumedi.

<sup>209</sup> Ke—ke makala go direga eng go latela, ge Mopresidente wa go latela a etla ka gare? Modimo o re file monna yo motee wa go loka wa bomodimo, Dwight Eisenhower wa kgale. Gomme bjale ke ho-... Šetšang se selo sa go latela se tlago ka gare. Gomme re ka no ba le legotlo nako ye e latelago, nnete go lekanela. Eupša go tla, “Farao yo a sa tsebego Josefa.” Elelwang seo. Ke tla fihla go seo feela ka motsotswana. Dipolitiki di senyegile. Re tseba seo.

<sup>210</sup> Ntwa e mafelelong a yona. Oo, ba fošana ka maswika nako ye nngwe, ba bethana mo hlogong ka dilepe tša letlapa, morago ba thuntše mesebe le motsi. Morago ba hweditše dirabarole, morago metšhenekane, morago bomasomeseswai seswai ka Jeremane, le dithunya tše kgolo le rena. Ka gona ba ile ba lahlela diganada tša seatla le gase ya mpholo. Eupša ba na le pomo ya haeterotsene bjale. Ntwa e mafelelong. Setšhaba se sengwe le se sengwe se na le tšona, kafao o ya go dira eng bjale? Ebile le setšhaba se sennyane lehono, go no hlahlela seragi, seo ke sohle ba swanetšego go se dira, gomme o ya godimo gohle. Ntwa e mafelelong. Huh! Amene. Ntwa e bofelong. Dipolitiki di bofelong.

<sup>211</sup> Thuto e bofelong. Go seleka ga baswa go mo bofelong. Bana, ga go na dikholofelo go bana, ba šetše ba ile go gafa. O ka se kgone go ba le thuto. O ka se kgone go ya tlase mo sekolong gomme wa ba le, wa hwetsa segotlane le thuto. Ke—ke ngwana gabedi kudu wa hele ge a etla ntle go feta ka mo a lego ge a eya ka gare. A nke morutiši a bolele se sengwe ka yona, o tla bolawa. Ba tla bopa Klux ye nnyane gomme ba ya ntle le go thunya morutiši, ba mo ntšhetša ntle le go mo lekeletša. Re lobile barutiši ba dikete tše pedi. Oo, ema motsotsso, ke a dumela e bile barutiši ba dikete tše masomepedi, ngwaga wo wa go feta. Ga ke ba sole. Nka se nyake go e dira, le nna. Bjale ba na le maswao nako ye nngwe le ye nngwe, “Neelang thuto ya kholetše go digotlane tše.” Ba a e hloka, eupša diabolo o ba swere. Diabolo o ba swere. Gomme ga go no ba setlwaedi feela go ya ntle le go ba swele le—le—le go tloša keiti le go e lekeletša godimo ga mohlare bošegong bja Halloween, goba go dira swele tsoko ye nnyane boka digotlane di be di fela di dira, goba go tšea karikana ya molemi gomme ba e bea ntle ka tseleng, e sego ka mokgwa woo; eupša ke digafa. Ba dira dilo tše di lego bogafa; go go thunya, go go bolaya, go go bolaya, go go tšhela mpholo, eng kapa eng. Woo ke moloko wa go latela.

<sup>212</sup> Go belega ngwana go bofelong, bosadi, bomme. Gobaneng, taolo ya tswalo e šoma mogohle, gomme dimpša tše dinnyane di tšere lefelo.

<sup>213</sup> Maitshwaro, ga go sa na le maitshwaro go yona gape. Basadi, ba apara bobe; ba tla ka thelebišene, mehuta yohle ya dikekišo tša batho ba babe ba Hollywood, mehuta yohle ya dilo, difešene. Tšohle mo bofelong!

<sup>214</sup> Thuto e bofelong. Dipolitiki di bofelong. Ntwa e bofelong. Tlhabologo e bofelong. Dilo tšela tšohle di bofelong. Nna, re ka dira eng gona? Sa go latela ke eng? Re mo bofelong bja dilo tšohle.

<sup>215</sup> Bjale bophelo bja kereke bo bofelong, kereke ya tlwaelo, kereke. Bjale, se se ka no kgomarela gannyane feela nthatana, eupša kereke ya senama, kereke ya Esau, e tlide bofelong bja yona. O dira eng? A lebile godimo ka go kopano ya dikereke, ye mafelelong e tla tšoenago le Boroma, go lwa le Bokatoliki... goba ka Bokatoliki go lwantšha bokomonisi. Mopapa John o bitša dikereke tšohle go tla morago, gomme di tla dira. Gomme ba tla ikopanya ka bobona mmogo, feela tlwa se O RIALO MORENA.

<sup>216</sup> O re, “Ema motsotso, Ngwanešu Branham. O tloga mothalong.” Ge ke le, Modimo o ngwadile Beibele ya Gagwe go tloga mothalong. O swanetše go ba Mika, ka taba ye.

<sup>217</sup> Morris Cerullo o rile go nna bošegong bjo bongwe, o rile, “Molwalekriste o kae, Ngwanešu Branham? Mojuda ke molwalekriste.”

Ke rile, “Morris! Gomme wena, Mojuda?”

O rile, “Ke bona bahloya Modimo ba bagologolo ba lego gona.”

<sup>218</sup> Ke rile, “Morris, o se ke! Mpotše ka Lengwalong moo molwalekriste a tšwago ka Jerusalema. Molwalekriste o tšwa go Roma, e sego go tšwa ka Palestina.”

O rile, “Gabotse, lebelela, ke nna... Ke bahloya Modimo.”

<sup>219</sup> “Ee, a Modimo ga se a bolela gore O foufaditše mahlo a bona gore re kgone go ba le letšatši la go bona? Eupša letšatši la rena le tla be le fedile ka pela.”

<sup>220</sup> O rile, “Oo, Ngwanešu Branham, ga se nke ka nagana ka seo.” Le a bona, ke lena fao.

<sup>221</sup> Le a bona, re bofelong. Lefase la senama, kereke ya nama e go bjona, bofelo. Šetšang ka fao e kgobokanelago godimo ka go kopano ya dikereke. United Brethren e ile ka go bona. Pentecostal e ka go bona. Bohle ka moka ga bona ba ikgatlofatša bonabeng. Go le bona tlase, bona Bakanana, tsela yohle go theoga go kgabola meboya yela ya Esau, bodumedi kudu, le go ikopanya ka bobona le lefase; e sego kwešišo ya semoya, go se kgone go fenza, go se kgethwe ke Modimo, go biletšwa ntle le go aroganywa.

<sup>222</sup> Oo, ge nka no kgona go e dira e tsebje, ge feelsa nka kgona go e kgoromeletša fase ka tsela ye nngwe! Ga ba e bone. Ba na le mahlo gomme ga ba kgone go bona, ditsebe gomme ga ba kgone go kwa. Oo, gobaneng re šilofetše ka Moyeng? Bjale, theetšang se. Se sengwe le se sengwe se bofelong.

<sup>223</sup> Gomme Kereke ya semoya e bofelong bja Yona. O tla bofelong. O Modimo! Lebelelang morago mošola ge A thomile ka Luther, o šikintše fase, ba semoya. Morago le Wesley, go tla go tlhwekišo. Ka gona le Pentecost, Moya wo Mokgethwa. Gomme bjale mo nakong ya bofelo, Moya wa Kriste bjalo ka Kerekeng, O dira mediro ya go swana yeo A e dirilego, thwi morago go Hlogo ya Yona gape; e loketše Kereke le Kriste go kopana, le go Tla ga Morena Jesu, le tsogo ya bahu. Re mo nakong ya bofelo. Jesu o boletše bjalo, “Bjalo ka ge go bile ka matšatšing a Sodoma, kafao go tla ba bjalo mo go tleng ga Morwa wa motho.” A le a e kwešiša?

<sup>224</sup> Lebelelang kereke ya senama. Lebelelang moo ba yago, kgojana le kgojana kgole.

<sup>225</sup> Lebelelang Kereke ya go tlala ka Moya, e hlochlora go tloša ditšiebadimo tšohle tša Yona tše nnyane, e etla godimo ka Moyeng, (mo bonnyaneng, ka nnete), e etla ka Moya, eupša go sepelela godimo ka lefelong le le bjalo go fihla E fihlile kua fao Moya wo Mokgethwa o sepelago thwi go E kgabola, e šoma tsela ya Yona, e loketše go amogela Morena wa gagwe, e loketše go amogela Morena wa gagwe.

<sup>226</sup> Gomme ka moka ga bona ba kgatlofaditše, go ya morago ka lefaseng, ba phamogile go tloga, ba eya morago ka go federeišene, ba sepelela godimo ka go hlogo mohlakanelwa ye kgolo yela e lego ka tlase ga Bokatoliki. “Gomme go bile le seswantšho se bopetšwe sebata.” *Seswantšho*, “sengwe boka sona.” Mohlakanelwa wa kereke o bopilwe le Bokatoliki, tšona bobedi mmogo, di šoma mmogo. “Ke mang a kgonago go dira ntwa le sebata goba seswantšho sa gagwe?” Ka kgonthe aowa. Re ka kgona bjang go ya go se kgabola lebaka la diiri!

<sup>227</sup> Bjale anke ke bolele se go lena, gomme gona e tla ba nako go tswalela. Ke ke... Ke le boditše e ya go ba botelele. Ke—ke no ikwela go tatologa godimo. Ge Modimo ebile a boletše dilo tše, o rile, “Ba botše. E bolele. Se sa homola gape. Ba bontšhe Yona. Ge eba ba E amogele, gona madi ga a diatleng tša gago.” Iri e mo. Nako, yohle e a pakelana.

<sup>228</sup> Lefase le bofelong bja lona. Le ka se sa ema gape. Dintwa di bofelong bja tšona. O ka se sa ba le ntwa gape. Ge o ka ba le ntwa, e ka se ke; feelsa wa pele go goga seragi, yeo ke yona. Dipolitiki, di bodile le go senyega.

<sup>229</sup> Kereke ya lefase ke Methodist, Baptist, Presbyterian, Mapentecostal. “Ke dikolobe lerageng la tšona, dimpša go mahlatša a yona.” Yeo ke nnete, ye nngwe le ye nngwe ya

tšona! Modimo o a bitša, go tšwa tshenyegong yeo, Kereke ye e hlaotšwego. Seo ke tlwa. Esau, ba rile, “Ke rena kereke!” Ga ke belaele seo. Jakobo e be e le tatago Esau, le yena, yeo ke nnete, kafao, eupša—eupša . . . Ke ra, Isaka e be e le tate wa Esau, gomme Jakobo e be e le ngwanabo, le yena. Eupša o tee o bile le moputso go tokelotswalo; yo mongwe o e hloile. O tee o kwele, o lemogile, gomme o dirile. Yo mongwe o rile, “Oo, ge feela ke eya kerekeng le go dira se se lokilego, e dira phapano efe?” Ke lena bao. Bjale ka go . . .

<sup>230</sup> Ke bolela se gona, go tswaleleng, tshwao e tee ye gape. Kereke ya kgonthe e ne bontši kudu go se phelela bjale. Oo, e swanetše go ba nako ya tlhalalo kudu go Kereke ya kgonthe, go Kereke ya therešo, go Kereke ye e kgethilwego, ge o tseba ka pelong ya gago o fetile go tloga lehung go ya Bophelong; ge o itebelela wenamong le go bona, o šetša bophelo bja gago gomme o bone gore dilo tšohle tša lefase di fetile, gore o ba sebopiwa se seswa. Theetšang bjale, go tswaleleng, sekgauswi. O a tseba gore o fetile, bophelo bja gago bo a e netefatša, “Le tla ba tseba ka dikenya tša bona.” Mailkemišetšo ka moka a gago ke Kriste. O lebeletše go Yena go tla go motsotsa e ka ba ofe. O sepela ka Moya. O a Mo rata. O Mmona a šoma ka wena. Ga go selo se o dumago go se dira, eupša O no se dira, ka Boyena. Oo, a nako!

<sup>231</sup> E nkgotpotša ka rabokgabo yo a ilego godimo Roma, go ithuta go ba rabokgabo, moisa yo moswa. Ba mo lemogile. O be a fapana kudu go tloga go bašemanle basetsana ba bangwe bohle ba Amerika, le dilo di ilego kua go ba borakgabo, le go tšwa lefaseng ka moka. Lesogana le tee le le be le itlhaotše. O be a le moisa yo mokaone, gomme ba lemogile. Ba tla ba le diphathi tše kgolo bogolo, gomme ba ya tlase fale gomme, ka fao ba dirago ka Roma, ba no tagwa ka fao ba kgonago go ba.

<sup>232</sup> Ke bile fao, nnamong, gomme ke ba bone. Ba tšwela ntle mokgotheng, banna le basadi, le go ya pele. Ebile le ka diphakeng, ba ne ditaba tša thobalano thwi ka phakeng, thwi ntle ka pepeneneng, ga ba iše šedi; Engelane, le tšona, tšohle ka moka ga tšona. Le a bona? Seo ga se sa befa go feta mo. Feel a selo sa go swana fa, feela gampe go swana; feela go no e khupetša gannyane kudu fa, ka lebaka la maphodisa le selo. Bjale, eupša feela go šiiša!

<sup>233</sup> Gabotse, moisa yo moswa yo, o ipolokile yenamong kgole go tloga go yona yohle. Ge ba eya pele diphathing tša bona, o tla ba lesa ba tloga, eupša o be a ithuta go ba rabokgabo. Kafao, letšatši le lengwe mohlokemedi wa motšofe, a bego a le Mokriste yoo a bego a le tikologong ya mu—mu museamo, lefelo la bokgabo, o rile—o rile, “A re tše mosepelo wo monnyane, morwa. A re tše mosepelo, ke tla rata go bolela le wena lebakana.”

O rile, “Go lokile.”

<sup>234</sup> Kafao ba ile, ba sepela go rotoga thaba, gomme bobedi bja bona ka diatla tša bona morago ga bona, ba sepetše go rotoga thaba. Letšatši le be le dikela. Gomme kafao mokgalabje o rile go rabokgabo yo moswa, o rile, “Morwa, ke wena Moamerika.”

O rile, “Ke nna yena.”

<sup>235</sup> O rile, “O tla mo go hwetša thuto ya gago ka bokgabo. Ke a nagana o nepile go dira mošomo wa bophelo bja gago rabokgabo.”

O rile, “Ke beakanya go dira seo, mohlomphegi.”

O rile, “Ke a bona gore wena o Mokriste.”

O rile, “Ke nna Mokriste.”

<sup>236</sup> O rile, “Gabotse, go ne selo se tee ke tla ratago go go botšiša. Ke botšišitše ba bangwe ba. Ba re ke bona Bakriste, le bona.” O rile, “Ke eng e go dirago go fapanana bjalo? Ke eng e go dirago go fapanana le bašemanane ba ka moka go tšwa Amerika, le basetsana ba go tšwa Amerika? Ke eng e go dirago go fapanana kudu bjalo, gomme efela bohle le re le ‘Mokriste?’”

O rile, “Mohlomphegi, o bona ka tsela ye letšatši lela le dikelago?”

O rile, “Ke a dira.”

<sup>237</sup> O rile, “Kgole go kgabaganya lewatlekgolo, ka nageng ye e itšego ka New England, ka toropongkgolo ye e itšego ka nageng yeo, gomme ka ntlong ye e itšego ka toropongkgolo yela, go ne mosetsana yo a itšego yo ke tshepišitše gore ke tla phela ke le wa therešo go yena.” O rile, “Seo ke sohle se lego monaganong wa ka, go hwetša thuto ya ka ya bokgabo le go boela morago go mosetsana yola yo a phelago therešo go nna.” O rile, “Yeo ke tsela ye ke phelago se ke se dirago.”

<sup>238</sup> Oo, ngwanešu, kgaetšedi, o ka makala gore gabaneng re sa tshwenyege se ba re bitšago sona. Ga ke kgathale se ba se bolelagoo.

<sup>239</sup> Ke be ke eme le Fred letšatši le lengwe, tlase ka San Juan, Puerto Rico, ke lebeletše go kgabaganya lewatle, gomme ke hlokometše, mebotwana ya meetse, seripa sa maele ntle, ona maphoto a magolo a phulega. O rile . . . Diflamingo di sepela ka serapeng, go ya pele. Ke rile . . . O rile, “Ngwanešu Branham, se se swana le Legodimo.”

<sup>240</sup> Ke rile, “Eupša lewatle le tla be le homotše kua, ngwanešu.” Ke rile, “Feela go kgabaganya lewatle mošola, go ne lefelo le rilego le bitšwago Legodimo, go ne Yo a itšego a bitšwago Jesu, ka Legodimong le, gore letšatši le lengwe O tlošitše dibe tša ka tšohle. Gomme ke tshepišitše Yena ke tla phela go rereša go Yena, ke tla dira dilo tše A nyakilego ke di dira. Ke ka baka leo ke sa jego ke dihlong ka Ebangedi ya Gagwe, Ke Maatla a Modimo go

ya phološong.” Seo ke se se dirago Mokriste go phela go fapanan. O a fapanan gobane o ne Sengwe go phela go fapanan bakeng sa sona.

A re inamišeng dihlogo tša renan feela nakwana.

<sup>241</sup> Mogwera wa ka wa go hlonomama, mosong wo, a o na le se sengwe sa go fapanan go se phelela, se sengwe go go ntšha ka lefaseng, se sengwe seo se rago bontši go wena go feta lefase lohle, ke go phelela Kriste? Ge o se na le yeo, gobaneng o sa E amogele bjale. O se ke wa no ya kerekeng gomme wa re, “Ke nyaka go ba motho yo mokaone.” O se ke wa dira seo. O nyaka go ba Mokriste. Wena, ge go na le se sengwe ka mehla se bilego ka pelong ya gago, se a go botša, “Ga wa loka, eupša ke nyaka o loke.” Ka mehla o hlologetše go ba se sengwe seo o sego sona bjale, a ga o tsebe gore ke Modimo o a go bitša? O se ke wa retolla magetla a gago godimo ga sona. “Gobane ge o kile wa bonegetšwa gomme wa ba le sebakabotse, gomme wa se gana lekga la mafelelo, ga go sa na sehlabelo gape bakeng sa sebe.” O se tšeelwe godimo le Esau.

<sup>242</sup> Etla le Jakobo, go sa kgathale ka... go sa kgathale se e yago go go bitša. Ge eba e go bitša lapa la gago, ge eba e go bitša mošomo wa gago, ge eba e go bitša monnamogatša wa gago, e go bitša mosadimogatša wa gago, ge e go bitša bana ba gago, ge e go bitša e ka ba eng, hwetša tokelo ya tswalo! Seo ke se se bolelago. Gomme ge o ikwela ka tsela yeo ka yona, mosong wo, gomme o rata go ba le tokelo ye ya tswalo! Nka se kgone go E fa wena. Modimo o a kgona, gomme Ke Yena yo a bolelago le wena. A o ka no phagamiša seatla sa gago, wa re, “Nthapelele, Ngwanešu Branham. Tokelo yela ya tswalo, ke a nyaka.” Modimo a le šegofatše, mogohle go kgabaganya. “Tokelo yela ya tswalo, ke a nyaka.”

<sup>243</sup> Tatewešo wa Legodimong, ke a Go leboga, wa go Hlomphega Kudukudu le Modimo yo Mokgethwa, bakeng sa botho bjohle bja Gago le dikgaogelo go barwa le barwedi ba batho. Gomme re a lemoga gore re nakong ya bofelo, ga se gona se ka yago botelele kudu. Re no be re letile ka go nako ya go adingwa; boka go bile matšatšing a Noage, gopelofala ga Modimo, ge areka e be e lokišwa, mola disoulo tše seswai di nnoši di phološwa. O rile, “Go tla ba bjalo mo go tleng ga Morwa wa motho. Gopelofala ga Modimo, go se rate gore e ka ba mang a lahlege, eupša gore bohle ba ke ba tle tshokologong.”

<sup>244</sup> Gomme lehono ka moagong wo, go ne banna le basadi ba phagamištše diatla tša bona, bašemane le basetsana, baswa le batšofe, ba phagamištše diatla tša bona, le go re, “Go ne Sengwe se nkqwathago.” O Modimo, a nke ba se tsoge ba E gana. A nke ba rekiše thuto ya bona, a nke ba rekiše se sengwe le se sengwe ba nago naso. Boka monna yo a hweditšego pheta ye kgolo; e be e le ya go hlomphega, pheta ye kgolo, e be e le pheta ye kgolokgolo, gomme o rekištše tšohle tše nnyane tša gagwe, gore a ke a reke

ye ya go itlhaola, pheta ye kgolo. A nke ba rekiše ntle se sengwe le se sengwe seo ba nago naso sa lefase, mosong wo, botsebalegi bjohle bja bona bja lefase.

<sup>245</sup> Basadi ba ba dutšego mo, Morena, bontši bja bona ba ba kwelego Ebangedi e rerwa makga a mantši kudu, gomme ba sa hlehlela thwi pele ka lefaseng, le go dira boka lefase le go apara boka lefase, le go ya diphathing le dilo tšeо lefase, ba tšeago karolo go dilo tša lefase le go dira bjalo ka lefase, le go šomiša dilo tša lefase. O Modimo, a nke ba be dihlong, mosong wo. Ge go na le kholofelo ye e itšego ka go bona le gatee, Morena, e buše lehono. A nke ye e be iri.

<sup>246</sup> Gomme banna ba mo, Morena, O Modimo, eba le kgaogelo go bona. Bontši bja bona ba sa sepela ntle ka go dilo tša lefase, ba sa kganyoga le go ipshina ka dilo tša lefase, sebe, go kgoga, go nwa, dino tša leago, piri ye nnyane ka lehlakoreng, goba—goba se sengwe boka seo, goba ba tla kganyoga, le go lekeletša dikgomaretšwa tše nnyane, basadi ba baswa ba go apara bohlaswa. Gomme yona mebele ye ba e lebeletšego mokgotheng, gomme ba nyakile go thula batho go ba lebelela, ba ipitša Bakriste bonabeng.

Gomme go tseba gore sebopego sela sa mmele wa mosadi yola, ka mohlomongwe mo diiring tše masomepedi nne, se tla be se bola mošola ka lebitleng, dikhunkhwane le diboko di nanampa go di kgabola tša kgolokwa le go bopa dibjana tša mmele wa gagwe; gomme soulo ya gagwe mošola ka heleng ya diabolo, bakeng sa tsela ye a phetšego. Gomme, efela, o tla tsupula tša gagwe tše nnyane, dipounama, gomme a khwakhwaela le go go sega.

<sup>247</sup> Modimo, eba le kgaogelo go bona batho. O Morena, se ba dumelele ba lahlega. Hle eba le kgaogelo gomme o romele kgaogelo. Efa yo mongwe le yo mongwe wa bona, Morena. Ke Wena o nnoši Yena a ka fago tšegofatšo ye. Gomme ge eba O ba bileditše go Bophelo bjo Bosafelego, a nke dipelo tša bona di bulege; gomme ba beeble se sengwe le se sengwe ka thoko mosong wo, gomme morago ba tla e amogela. E fe, Tate.

<sup>248</sup> Gomme bjale a nke Moya wo Mokgethwa o tle ka kopanong ye, go balwetsi le batlaišwa, le go dira batho ba bone gore Molaetša wo woo o rerilwego mosong wo, gore go Tla le se sengwe le se sengwe se mo bofelong, gomme ebile le Jesu a Šoma ka Kerekeng ya Gagwe. A nke go tle go phethega thwi bjale, Morena, gore O kgone go tšeela batho ba ka diatleng tša Gago. Gomme ge ba bona Moya wo Mokgethwa o Šoma, o sepela magareng ga batho, a nke le tiišetšwe, Molaetša wo ke o rerilego, gore re mo nakong ya bofelo. Gomme a nke ba kwe. Ba kwele, gomme a nke ba lemoge gore Jesu yola wa go swana, tsela ye A e dirilego ka letšatšing la Gagwe, O mo go e dira ka Kereke ya Gagwe ka letšatši la mafelolo. Gomme ka gona a nke ba dire, ka

go fa maphelo a bona le mebele, le disoulo le meoya, go Yena. Ke ba neela go Wena, Morena, ka go la Jesu Leina.

<sup>249</sup> Bjale, ka moagong moo batho ba lego, Ke rometše Billy mosong wo go fa ntle dikarata tša thapelo. O...[Ga go selo lefelong la theipi—Mor.]

<sup>250</sup> A o a babja, o a hloka? Ge Modimo a ka nkutollela, boka A dirile mosadi mo sedibeng, le go mpotša se bothata bja gago e lego, goba se sengwe ka wena, seo o tsebago gore ga ke se tsebe, a go tla go dira o be le tumelo go dumela Modimo? A e tla dira ka moka ga lena le be le tumelo? A ye ke nako ya rena ya mathomo go kopana? [Kgaetšedi o re, “Aowa”—Mor.] Oo, le mpone pele, eupša ke mosetsebje go wena. A yeo ke nnete? Go lokile, a nke Morena Modimo a fe kgopelo ya gago.

<sup>251</sup> Bjale, a ke kgonthe, goba aowa? Oo, nna! Bitšang bodumedi bja lena bja bohlale. “Baalim,” o rile, “o go kae?” Eliya godimo ga Thaba ya Karamela, o rile, “Na Baalim o kae? Kae? Mo tsošeng.” Ga wa swanela go phafosa Jesu. O phafogile nako yohle. Yena ka mehla o gona, a phela ka mehla, ka mehla o a kgona; wa go swana maabane, lehono, le go ya go ile. Amene. Modimo o dula e le Modimo.

<sup>252</sup> O a dumela bothata bja gago bja pelo bo ya go go tlogela gomme o ya go fola? Ga o tšwe fa. O boela morago Lexington gomme wa botša batho ke dilo dife tše kgolo Morena a go diretšego. Le a bona?

<sup>253</sup> Go ya ka bogodimo bja dihlogo tša batho, bao ba sa kego ba e hwetša. Kereke ye e phelago e tla tlimateela seo, ka pela, le go tseba gore Bogona bja Moya wo Mokgethwa bo mo.

<sup>254</sup> Yo mongwe morago ka mo ophagamišitše seatla sa bona. A e bile wena, mohumagadi? O a dumela Modima a ka kgona go mpotša bothata bja gago? Wa kgale...

<sup>255</sup> Ngwanešu ntle kua mafelelong, ke a dumela o rile, lebakana la go feta, seo. O a dumela, ngwanešu? [Ngwanešu o re, “Ee.”—Mor.] O a dira? Gona bothata bjoo bja letlalo bo tla go tlogela, o tla ba gabotse. A o a e dumela? O e amogela boka go fodišwa? Phagamišetša seatla sa gago godimo, o a dira. Le a bona? Uh-huh. Go lokile. Ke mosetsebje go nna. O tseba seo, Pat.

<sup>256</sup> Mohumagadi a lebeletšego fale, a rapela, o ntebeletše, o rile o be a le mosetsebje. A o dumela kgatelelo ya godimo ya madi e ya go go tlogela? Yeo ke nnete, a ga se yona? Phagamiša seatla sa gago ge seo e le nnete. Go lokile, eba le tumelo ka go Modimo.

Le bona se ke se rago?

<sup>257</sup> Go reng ka ba bangwe ba lena batho bao le ntsebago? O ne se sengwe pelong ya gago. Phagamiša seatla sa gago. Bontši bja lena bjalo! Nka se kgone go e dira; E swanetše go no tla. Le a tseba, ke tumelo ya gago.

<sup>258</sup> Georgie Bruce, ke mmona a dutše fale. Ka mehla le leka go hwetša se sengwe bakeng sa yo mongwe, Georgie. O fodišitšwe, ka kankere. Ga go potšišo ka monaganong wa gago. Letšatši le o ttilego go tabarenenekele ye gomme wa sepelela ntle mojako wola mošola, Moya wo Mokgethwa wa tla godimo ga ka, le go go botša thwi fao tiro ye nngwe gore ga go yo mongwe lefaseng a tsebilego eupša wena le Modimo le motho yo mongwe. A yeo ke nnete? [Phuthego e re, “Amene.”—Mor.] Yeo ke nnete. O a ntumela, a ga o dire, Georgie? O na le se sengwe pelong ya gago, Georgie. O a dumela gore Modimo a ka kgona go mpotša se se lego pelong ya gago?

A seo se tla dira ka moka ga lena, batho bao ba ntsebago, go dumela? [Phuthego e re, “Amene.”—Mor.]

<sup>259</sup> Ke tseba Georgie, eupša o nagana ka se sengwe. O na le batho ba babedi, bao ba lego kgole go tloga fa, o a ba rapediša. Bobedi bja bona ba dula ka Corydon. Yeo ke nnete. Gomme o na le motho mo, monna yo a mo rapedišago, yo a lego ntle mo ka sepetlele. Gomme oa rapela, e sego bontsi kudu go phodišo ya gagwe, eupša phološo ya soulo ya gagwe. Yeo ke O RIALO MORENA. Yeo ke nnete. A yeo ke nnete, Georgie? Yeo ke nnete tlwa.

<sup>260</sup> Yo mongwe moragorago kua o emišeditše seatla sa bona godimo, moragorago ka morago, morago ka mo. O, go reng ka wena? A o ka phagamišetša seatla sa gago godimo, o mosetsebje go nna? Monna yo a dutšego mo a ntebeletše, ga ke go tsebe. A o ntumela go ba moprofeta wa Modimo, mohlanka wa Modimo? O dumela Moya wo Mokgethwa, se ke se boletšego ke Therešo? A o dumela Seo? [Ngwanešu o re, “Ee.”—Mor.] Ge o ka dumela, o na le o . . . seo ke selo se nnoši o nago naso, gobane o tlaišega ka kankere. Yeo ke nnete. Ga o tšwe toropongkgolo ye. O tšwa New Albany. Yeo ke nnete. Gomme o ne kankere. Ge o ka dumela ka pelo ya gago yohle, o tla fola. A o tla e amogela? Phagamiša seatla sa gago. Morena a šegofatšwe.

<sup>261</sup> Ke a dumela, mosadi yola ntle fale ka kefa ya go bogega bošweu go dikologa hlogo ya gagwe, mohumagadi wa lekhalate, o phagamišitše seatla sa gagwe. Ga se ešo ka ba le motho wa lekhalate. O a dumela, mohumagadi? Go lokile, mohlomphegi, dumela ka pelo ya gago yohle. O ne bothata bja pelo, bothata bja mogodu, ditlhakahlakano. Yo mongwe o go tlisitše fa mosong wo. O RIALO MORENA. Yeo ke nnete, a ga se yona, mohumagadi? Ge seo e le therešo, šišinya sakatuku seo o nago naso ka seatleng sa gago, gore batho ba bone. Ga se ka ke ka bona mosadi ka bophelong bja ka.

<sup>262</sup> A o emišitše seatla sa gago? A ke mosetsebje go wena? Gomme wena o mosetsebje go nna. O a dumela gore Modimo o a ntseba, goba Modimo o a go tseba? O a dumela A ka kgona go mpotša se se lego pelong ya gago? O rapelela yo mongwe. Ke tatago, o

ne bothata bja pelo. Yeo ke nnete. Gomme o nyaka kolobetšo ya Moya wo Mokgethwa. O RIALO MORENA.

Ge o ka kgona go dumela!

<sup>263</sup> Go reng ka mohumagadi yo monnyane ka seatla sa gagwe godimo ka mokgwa *wo*, o a dumela? Bothata bja gago ke sebabō sela mo seatleng sa gago. Eupša o rapelela setlogolo. Yeo ke nnete. Ngwana ga se a itekanelā. Yeo ke therešo. A ga se yona, mohumagadi? O dumela ka pelo ya gago yohle, bakeng sa yona.

Ge ke rile, “ngwana.” Ema motsotso. Oo, ke wena fao. Morwa wa gago o bile le kotsi ya koloi; o golofetše. Ga ke go tsebe, mohumagadi, eupša seo ke therešo. Ge seo e le nnete, phagamiša seatla sa gago.

<sup>264</sup> Bjale, ke Mang fa? Yena ke Mang? Ga se nna. Nka kgona bjang go dira seo? O se ke wa hwa bogatšu ka Moya, dilo tša Semoya. Ke Modimo mo! Moya wo Mokgethwa wola o o nyakago, a o a O dumela bjale? A o a O dumela bjale? Go lokile, gona O amogele bjale. Bjale ke nako ya go O amogela. Dumela ka pelo yohle ya gago.

<sup>265</sup> Wena yo a babjago goba a hlokago. Nka se kgone go go fodiša. Ga go motho yo a kgonago go fodiša. Nka se kgone go fa Moya wo Mokgethwa. Eupša yo Motee a ka kgonago go fodiša le go fa Moya wo Mokgethwa, O mo. Yena ke Yena Yo a e dirago.

<sup>266</sup> Bjale inamišang dihlogo tša lena. Le a dumela thwi bjale, ge ke le rapelela le disakatuku tše.

<sup>267</sup> Tate wa rena wa Legodimong, bokgole bjo ke tsebago, ke ile go kgabola yo mongwe le yo mongwe yoo a bego a le basetsebje, bokgole bjo ke ikwetšego nnamong go fokola le go fa go tloga; ke ikwetše go hlahlwa gore ye ke nako mohlomongwe yeo Bakgethiwa ba e bonego. A nke yo mongwe le yo mongwe wa bona, Morena, yoo a biditšwego le go dumelwelwa go bitšwa ke Moya wa Gago; se sengwe, tumelo ya bona, ba bile le tumelo ye ntši (ba bangwe ba bona) go feta ka mo ba nagannego ba bile. Ba nno thoma ka dipelong tša bona.

<sup>268</sup> Gomme mosadi o kgwathile kobo ya Gagwe nako ye nngwe ge A feta kgaušwi, gomme O retologile le go re, “Ke mang a Nkgwathilego?”

Gomme ba rile, “Gabotse, yo mongwe le yo mongwe o Go kgwathile.”

<sup>269</sup> O rile, “Eupša Ke a bona Ke fokotše.” Gomme O hweditše mosadi yo monnyane le go mmotša o be a na le bothata bja madi, gomme tumelo ya gagwe e mo fodišitše.

<sup>270</sup> Gomme Beibele e boletše, gore, “O sa le Moprista Mogolo, lehono, yo a kgonago go kgwathwa ke maikutlo a mefokolo ya rena.” Lengwalo le rile, “O a swana maabane, lehono, le go ya go ile.” Gomme ge A le wa go swana, gomme Moprista Mogolo wa go swana, O tla dira sa go swana le go dira sa go swana.

<sup>271</sup> Gomme a nke batho ba bone gore Kereke ya go tlala ka Moya e tla hlogong. Kriste o lokišetša go tla le go tsea Kereke ya Gagwe. Maswao a Gagwe a magolo a mafelelo, bjalo ka ge go bile matšatšing a Sodoma; Yo a boletšego, o tsebile Sarah, gomme o tsebile o be a na le mosadimogatša wa go bitšwa Sarah, o mo tsebile ka tenteng a sega; O rile, “Leo e tla ba leswao. Ge le bona seo, elelwang, moloko wola o ka se fete go fihla tšohle di phethagaditšwe.” Še yona. Re mo bofelong.

<sup>272</sup> Efa, Morena, gore motho yo mongwe le yo mongwe a babjago ka fa a ke a tsebe gore Jesu Kriste wa go phela o gona. A nke disakatuku tše di šegofatšege go mmele wo mongwe le wo mongwe wa go babja wo di yago go wona. Ke ahlola diabolo, bakeng sa batho. Ke a mo leleka, ka Moya wa Modimo, ka tumelo, ke lelekela kgole moriti wo mongwe le wo mongwe wa pelaelo. A nke motho yo mongwe le yo mongwe mo, yo a beetšwego go ya Bophelong bjo Bosafelego, a Bo amogelete iring ye. A nke tumelokhwele ye nngwe le ye nngwe, timolo ye nngwe le ye nngwe ye nnyane, selo se sengwe le se sengwe se sennyane sa lefase, boima bjo bongwe le bjo bongwe bjo bonnyane, bjalo ka ge Beibele e rile, “A re beeleng thoko boima bjo bongwe le bjo bongwe, le sebe se se re nyamišago ga bonolo; gore re ke re kitime, ka kgotlelelo, lebelo leo le beilwego pele ga rena; re lebeletše” (go eng? go kereke? go mokgatlo?) “go Mothomi le Mofetši wa tumelo ya rena,” yo a lego mo bjale, “Jesu Kriste, Morwa wa Modimo.” Re lebeletše go Yena Yo... Ga ra swanela go tsea mantšu ao re tsebago seo ke therešo, eupša go le bjalo wona Mantšu a dirwa go ba nnete go rena mosong wo. Jesu yola wa go swana yoo a hwilego, ga se a hwa, O tsogile gape, gomme mengwaga ye dikete tše pedi moragwana O tliša Kereke ya Gagwe go hlogo. Moya wa Judase o šoma magareng ga bona. Eupša a nke ba beelete ka thoko kotanatšitišo ye nngwe le ye nngwe le se sengwe le sengwe, iring ye, gomme ba Mo amogelete.

<sup>273</sup> A nke ba kwe, yeo ba nago le yona, ka therio. A nke ba lemoge bjale gore ona Mantšu ao ba a kwelego a dirilwe go bonagatšwa, gomme ba Le lemoga, gore Ke Kriste. Gomme a nke bjale ba dire, ba dire godimo ga Lona: ba Le amogelete, gomme ba tsoge ka maoto a bona, ba fe bopaki; le go ya ka Mmušong wa Modimo, ka go tlatšwa ka Moya wo Mokgethwa.

<sup>274</sup> A nke balwetsi ba fodišwe. A nke batlaišwa ba fole. A nke tumo ye nngwe le ye nngwe ya pelo e dirwe gabotse. E fe, Ramaatlakamoka Modimo.

<sup>275</sup> Bjale ka dihlogo tša lena di inamišitšwe, dipelo tša lena di bulegile, e no ipha wenamong sehla sa thapelo; feela pele, ke a thankha, tirelo ya kolobetšo e etla, feela pele ga ye. Go tla ba le tirelo ye nngwe bošegong bjo.

<sup>276</sup> Bjale, elelwang, le se ke la dumelela sebakabotse se go feta. Ke bile mo bjale lebaka la diiri tše pedi le seripa, goba go feta,

ke leka go no tšea nako ya ka, le go tliša Ebangedi ka gare, le go E bea ka gare feela ka phethagalo. Morago re tla thwi tlase bofelong. Gomme sona sehlogo: kwang, lemogang, dirang. Le se e dumelele go feta ka godimo ga hlogo ya lena. Le Le kwele. A le lemoga gore Bogona bja Gagwe bo fa? A le a tseba gore Ke Yena yo a le bitšago? Gona dirang godimo ga Lona. Modimo a be le lena. Ebang le sehla sa thapelo.

<sup>277</sup> Ngwanešu Neville, etla, gannyane nthatana, ka thapelong, ge o ka tla godimo mo.

E no mo swarela godimo.



*Go KWA, Go LEMOGA, Go DIRA KA LENTŠU LA MODIMO* NST60-0221  
(Hearing, Recognizing, Acting On The Word Of God)

Molaetša wo ka Ngwanešu William Marrion Branham, setlogong o abilwe ka Seisimane ka Lamorena mosong, Feberware 21, 1960, ka Tabarenekeleng ya Branham ka Jeffersonville, Indiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2022 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tſweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditſhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)